

**କରିହ୍ନୀୟମାନଙ୍କ ନିକଟକୁ ପାଉଲଙ୍କ ଦ୍ଵିତୀୟ
ପତ୍ର
କରିନ୍ତୀୟଙ୍କଂନେ ତାଗ୍ରା ପାଉଲ୍‌ନେ
ଦୁତୀୟ ଉଲିଆଃ
କରିନ୍ତୀୟ ବଇ ବିସୟରେ ଉଃଡ଼ିକୁଗ୍
ସାମୁଆଁ**

ମ୍ଵାର କରନ୍ତି ପ୍ରେରିତ୍ ପାଉଲ୍‌ନେ ବାନ୍ ତିଲେଃଏ ଜିସୁ କ୍ରିଷ୍ଟନେ ଜନମ୍‌ନେ ପ୍ରାୟ ୫୫-୫୭ ମୁଆଁ ଇଡ଼ିଙ୍ଗ୍ ଗୁଆରବଗେ । ନେନେ ତାଗ୍ରା ଲେଃକ୍ କରନ୍ତିୟ ମଣ୍ଡଲିକେ ଗୁଆରବକ୍ ଉଲିଆ ବାନ୍ ଆକେନ୍ ତିଙ୍ଗକେ ପାଉଲ୍‌ନେ ଦୁତୀୟ ଉଲିଆ । ପଣ୍ଡିତ୍‌କ୍ ବିସ୍‌ବାସ୍ ତିଙ୍ଗ୍‌ଆରଏ ଜେ ଆକେନ୍ ସେନ୍ଦୁଗ୍ ପାଉଲ୍ କରନ୍ତିୟ ମଣ୍ଡଲି ତାଗ୍ରା ମୁଇଙ୍ଗ୍ କସ୍ ଉଲିଆ ଗୁଆରବଗେ ୨:୩-୪ ପଦ୍‌ନ୍ନିଆ ମେଁ ମେଃନେ ସାମୁଆଁ ବିଃଏ, ଆଡ଼ନେ ମେଃଡିଗ୍ ପରମାନ୍ ନେନେ ତାଗ୍ରା ଶୁ । ତିଙ୍ଗ୍‌ଲେଃଏ ପାଉଲ୍ ମାକିଦନିଆନ୍ନିଆ ଲେଃନେ ବେଲା ୨ କରନ୍ତି ଗୁଆରବଗେ ୨:୧୩ ।

୨ କରନ୍ତି ତିଙ୍ଗକେ ମ୍ଵାର ଶୁ ଆଡେନ୍ ଜାବର୍ ନିଜର୍‌ନେ ବାରି ତେରେପେତେ ସାପା ସାମୁଆଁନ୍ନିଆ ତିଙ୍ଗ୍‌ତିକ୍ । କରନ୍ତିନ୍ନିଆ ଲେଃକ୍ ମଣ୍ଡଲି ବିସୟରେ ତିତସ୍‌ନେ ବାନ୍ ନିମାଣ୍ଡା କବର୍ ବାତେ ପାଉଲ୍ ସାର୍ଦା ତିଙ୍ଗ୍‌ତିକ୍ । ଆକେନ୍ ଉଲିଆନ୍ନିଆ ମି ନିୟମ୍‌ନେ କିକେନେବାନ୍ ଦାନ୍ ବିସୟରେ ସିକ୍ୟା ବାନେଃଲେଏ । ଆକେନ୍ ସାମୁଆଁନ୍ନିଆ ଆଣ୍ଡିତାଗ୍ରା ପାଉଲ୍ ଜିରୁସାଲମ୍‌ନେ ବିସ୍‌ବାସିକ୍‌କେ ସାଇଜ ତିଙ୍ଗ୍‌ନେସା ତାରୁ ସାଲିଆନ୍‌ସା ଆଦେସ୍ ବିଃଡିଂକେ ୮-୯ ଆକେନ୍ ଆମାପାଡିଂକେ ଜେ ମଣ୍ଡଲି ବାଏରେ ବାନ୍ ଉଡ଼ିରୁଆ ନାଲେ ପ୍ରେରିତ୍‌କ୍ ମେଇଁ ନିଜେକେ ପଦ୍ ଆମ୍ଵାନ୍‌ସା ପାଉଲ୍‌ନେ ବିରଦ୍‌ରେ ମଣ୍ଡଲିନେ ଉଡ଼ିରୁଆ ଟିକ୍ ରେମୁଆଁକ୍‌କେ ଦଦ୍ୟା ବେବଆର୍ ତିଙ୍ଗ୍‌ଡିଂକେ । ମେଇଁ ପାଉଲ୍‌ନେ ଅଦିକାରକେ ସନ୍ଦେଅ ତିଙ୍ଗ୍‌ଡିକ୍

। ତେସା ୨ କରିନୁ ସାରାସାରି ବାଗ୍ନିଆ ମେଁ ମୁଇଂଜା ଜିସୁ କ୍ରିଷ୍ଟ୍ରେ
ଅଦିକାର୍ନିଆ ମୁଇଂଜା ପ୍ରେରିତ୍ ଲେଖଣେ ଡାଗ୍ରେ ଡାଗ୍ରେ ଏତେ
ପରମାନ୍ ତିଜ୍ଜିକେ ।

ସାସ୍ତ୍ର ବିତ୍ତେ ଲେଖକ୍ ସାମୁଆଁ

୧. ପାଉଲ୍ ଉଲିଆନେ ଆରାମ୍ରେ ସାର୍ଲ୍ ତିଜ୍ଜିକେ । ୧:୧-୭

୨. ପାଉଲ୍ ମେଁନେ ଖେନେ ତିଆର୍ ତିନିଆ ଆବଦ୍ଲେ ଆରି
ମେଁଇଂନେ ବିସୟରେ ବାଲେଖକ୍ ସାମୁଆଁ ଆରି ମେଁନେ
ଉଲିଆ ବିସୟରେ ମେଁଇଂନେ ଜବାବ୍ । ୧:୮-୭:୧୭

୩. ପାଉଲ୍ ଜିରୁସାଲମ୍ରେ ବିସବାସିଇଂନେ ନସା ଦାନ୍ ସାଲିଆନେ
ବିସୟରେ ଆଦେସ୍ ବିଷତିଂକେ । ୮:୧-୯:୧୫

୪. ସାରାସାରି ପାଉଲ୍ ମେଁନେ ପ୍ରେରିତ୍ ପଦ୍ ରକ୍ୟା ତିଜ୍ଜିଏ
ବାରି ବାମ୍ମୁଇଂତର୍ ଖେନେ ନସା ତରକ୍ ଆଷତିଜ୍ଜିଏ । ୧୦:୧-
୧୩:୧୦

୧ ✨ ଇସପର୍ରେ ଇକଟା ଅନୁସାରେ ସିବକ୍ରେ ଜିସୁ କିସ୍ଟ୍ରେ ପେରିତ୍
ସିସ୍ ପାଉଲ୍ ବାରି ନେନେ ବୟାଁ ତିମତି କରିନୁ ସହର୍ରେ ଇସପର୍ରେ
ମଣ୍ଡୁଲି ବାରି ଆଖାୟା ଦେସ୍ରେ ସାପାରେ ବିସବାସି ଡାଗ୍ରା ଏନ୍
ଉଲିଆ ଗୁଆରବକେ ।

୨ ନେନେ ଆବା ଇସପର୍ ବାରି ମାପୁ ଜିସୁ କିସ୍ଟ୍ ଆପେକେ ଲିବିସ
ବାରି ସାନ୍ତି ମିଲେଲେ ।

ପାଉଲ୍ ଇସପର୍ରେ ଦନ୍ୟବାଦ୍ ବିଷତିଂକେ

୩ ନେଁଇଂନେ ମାପୁ ଜିସୁ କିସ୍ଟ୍ରେ ଇସପର୍ ବାରି ଆବା ଦନ୍ୟ ମେଁ
ଲିବିସରେ ଆବା ବାରି ସାପା ସାନ୍ତି ବିଷନେ ଇସପର୍;

୪ ନେନେ ଅସ୍ବିଦା ବେଲା ମେଁ ଆନେକେ ଆଣ୍ଟିନେ ସାନ୍ତି ବିବକେ
ଆତେନ୍ ସାନ୍ତି ବାନ୍ ନେନେ ଅସ୍ବିଦା ତିଜ୍ଜିମ୍ୟାକ୍ରେ ବିନ୍ଶ୍ଟ୍ରେକେ ସାନ୍ତି
ବିଷ ନେୟାଏ ।

୫ ଡାଗ୍ରା କିସ୍ଟ୍ରେନେସା ନେନେ ଦୁକ୍ ଜାବର୍ ଦେତ୍ତରକମ୍ କ୍ରିଷ୍ଟ୍ରେ
ବାନ୍ ନେନେ ସାନ୍ତି ତିର୍ ଜାବର୍ ।

୬ ନେନେ ଜଦି ଅସ୍ବିଦା ନେବାଏ ଆତେନ୍ ପେଇଂନେ ସାନ୍ତି
ବାରି ପାପ୍ବାନ୍ ରକ୍ୟା ନସା । ନେନେ ସାନ୍ତି ନେବାଲା ପେଇଂ ତିର୍

✨ ୧:୧ ପ୍ରେରିତ୍ ୧୮:୧.

ଦେହରକମ୍ ସାଆସ୍ ବାବ୍ରେ ଅସୁବିଦା ବାନ୍ସା ସାନ୍ତି ବାରି ବପୁ ପେବାଏ ।

^୭ ପେଇଂନେ ତାଗ୍ରା ନେନେ ଆସା ଲେଃକେ । ନେନେ ମ୍ୟାନେଲେକେ ପେଇଂ ନେନେ ଦୁକ୍ କସ୍ତୁନ୍ନିଆ ଡିରକମ୍ ବାଗ୍ ଡିଙ୍ଗ୍‌ପେଲେକେ ଦେହରକମ୍ ଆନେକେ ସାନ୍ତି ତିଗ୍ ବାଗ୍ ପେଡିଙ୍ଗ୍ ।

† ✱ବୟ୍ ବାରି ତନାଇଂ ନେନେ ଆସିଆ ପ୍ରଦେସଅରିଆ ନେବାକ୍ସେ କସ୍ତୁ ବିସୟ୍ ଆପେକେ ଆମ୍ୟାନ୍ସା ଚାଏନେଡିଂକେ । ଆଡେନ୍ କସ୍ତୁ ସାମ୍ବାଲେ ନେୟାଲା ନେନେ ପାରାନ୍ନେ ଆସା ଆନ୍ତାର୍ ବିନେବକେ ।

^୯ ଆନେକେ ଗୁଏନେ ଡଣ୍ଡ୍ ବିବଆକ୍ ଡାଗ୍‌ଚେ ବାବେନେଲେଃକେ । ମାତର୍ ନିଜର୍ ଆଡାଡା ଆସା ମାଡିଙ୍ଗ୍‌ଚେ ଗୁଏଃକ୍ସେ ପାରାନ୍ ବିମ୍ୟାକ୍ସେ ଇସ୍‌ପର୍ ଆଡାଡା ଆସା ନେବକ୍ସା ଏନ୍‌ସାପା ଗଟେଲେଃଗେ ।

^{୧୦} ଦେକରକମ୍ ବୟ୍‌କାର୍ ଗୁଏନେ ବିପଦ୍‌ବାନ୍ ମୈ ଆନେକେ ଡଦାର୍ ଆଡିଙ୍ଗ୍‌ବକେ ବାରି ଡିଙ୍ଗ୍ । ମୈ ଆର୍‌ମୁଇଂତର୍ ଆନେକେ ରକ୍ୟା ଡିଙ୍ଗ୍ । ଏନ୍ ଆସା ନେନେ ମୈନେତାଗ୍ରା ଲେଃକେ ।

^{୧୧} ପେଇଂ ନିଜର୍ ପାର୍‌ତନା ବାନ୍ ଆନେକେ ସାଇଜ ଡିଙ୍ଗ୍‌ପା । ଗୁଲୁଏରେ ପର୍‌ମେସର୍‌କେ ଦନ୍‌ସବାଦ୍ ବିଏ ଆଡେନ୍‌ସା ମୈଇଂନେ ପାର୍‌ତନା ବାନ୍ ପର୍‌ମେସର୍ ଆନେକେ ଆସ୍ ବାଦ୍ ବିଏ । ନେଇଙ୍ଗ୍ ନ୍‌ସା ମାଲେରୁଆ ଇସ୍‌ପର୍‌ନେ ତାଗ୍‌ରା ଦନ୍‌ସବାଦ୍ ଡିଙ୍ଗ୍‌ଆର୍‌ଏ ।

ପାଉଲ୍ ବାବେକ୍ସେ ବଦ୍‌ଲେଏ

^{୧୨} ମଞ୍ଚପୁର୍‌ନ୍ନିଆ ପାରାନ୍ ବାରି ଏବେ ପେଇଂନେ ଏଡେ ନେନେ ବିସ୍‌ବାସ୍ ଇସ୍‌ପର୍ ତିଆର୍ ଡିଙ୍ଗ୍‌କ୍ସେ ପବିତ୍ରତା ବାରି ବିସ୍‌ବାସ୍‌ତତାବାନ୍ ଚାଲେଲେଃକେ ତାଗ୍‌ଚେ ନେନେ ବୁଦ୍ ଜେ ସାକି ବିଃଡିଂକେ । ଏନ୍‌ସା ନେନେ ମନ୍‌ନ୍ନିଆ ଗରବ୍ ଡିଙ୍ଗ୍ । ରେମୁଆଁନେ ଗ୍ୟାନ୍‌ନ୍ନିଆ ଶୁ ମାତର୍ ଇସ୍‌ପର୍‌ନେ ଆସିର୍‌ବାଦ୍‌ରେ ଡିଙ୍ଗ୍‌ନ୍‌ସା ନେନେ ଇକ୍‌ଚା ଡିଙ୍ଗ୍‌ନେଲେଃକେ ।

^{୧୩} ମୋଃମୋଃନେ ପଡେତେ ପେ ବୁଜେ ପେୟାଏ, ପେଇଂନେ ତାଗ୍ରା ନେନେ ମାତର୍ ଅଃଡେନ୍ ଗୁଆର୍‌ନେବକେ ।

✱ ୧:୮ ୧ କରିନ୍ଦିୟ ୧୫:୩୨.

୧୪ ନେଙ୍ଗ ଆସା ଶ୍ଯ୍ୟ ଏବେ ମେଃମେଃନେ ନିମାଣ୍ଡାଃ ବାବ୍ରେ ବୁଜେପେଡିଙ୍ଗ ଆତେନ୍ ସାପା ବେଲା ମାପୁ ଜିସୁନେ ଆରମୁଇଂତର୍ ପାଙ୍ଗନେ ଦିନା ବଲ୍ ବାବ୍ରେ ବୁଜେ ପେୟାଏ । ତେଲା ପେ ନେନେ ନ୍ସା ଗର୍ବ ତାଗ୍ରେ ପେବାବେଏ ବାରି ନେନେ ତିଗ୍ ପେ ନ୍ସା ଗରବ୍ ନେଡିଙ୍ଗଏ ।

୧୫ ଆରି ପେଇଂ ତିଡିକି ମ୍ପାର ତର୍ ଅନୁଗ୍ରଅ ବା ପେୟାଏ

୧୬ ✱ମାସିଦୋନିଆ ଝେନେବେଲା ବାରି ଆଡ୍‌ବାନ୍ ପାଙ୍ଗନେ ବେଲା ପେଇଂନେ ତାଗ୍ରା ଉଡି ଦିନ୍ ଲେଃନସା ନେଙ୍ଗନେ କାମ୍ ଲେଃକେ ତାଗ୍ରା ଜିଉଦା ଦେସ୍‌ନିଆ ଝେ ନ୍ସା ନେଙ୍ଗ ପେଇଂନେ ସାଇଜ ଦରକାର୍ ଲେଃକେ ।

୧୭ ନେଙ୍ଗ ମେଃମେଃନେ ନେଙ୍ଗନେ ଇକ୍‌ଚା ବାବ୍ରେ ଏନ୍ କାମ୍ ଆଃରେ ମ୍ପୁକେ ? ଜାଣ୍ଡେଇଂ ମୁଇଂ ମାଡ୍ରେ “ଆଁ, ଆଁ” ବାରି “ଶୁ, ଶୁ” ତିଙ୍ଗିଆର୍ଏ ମେଇଂ ରକମ୍ ମେଃମେଃନେ ନେଙ୍ଗ ନିଜର୍ ନିମାଣ୍ଡା ନ୍ସା ନେଙ୍ଗନେ କାମ୍ ତିଙ୍ଗିମ୍ପୁକେ ?

୧୮ ମାଡ୍ରେ ଜଦି ପେଇଂ ପର୍ମେସର୍‌କେ ବିସ୍‌ବାସ୍ ତିଙ୍ଗିପେଡିଙ୍ଗକେ ତେଲା ପେଇଂ ବିସ୍‌ବାସ୍ ତିଙ୍ଗିପେୟାଏ ଜେ ନେନେ ମେଃମେଃନେ ନେବାସଙ୍ଗଏ ଆତାନ୍‌ନେ ଉଡ୍‌ର୍ “ଆଁ” ବାରି “ଶୁ” ମ୍ପାକ୍‌ଗି ତିଙ୍ଗି ଆୟା ଶୁ ।

୧୯ ତାଗ୍ରା ଇସ୍‌ପର୍ ଉଙ୍ଗ୍‌ଡେ ଜିସୁ କିସ୍‌ଟ ଜେ ନେଁଇଂନେ ବାନ୍ ତାଗ୍ରା ନେଙ୍ଗ ବାନ୍ ବାରି ସିଲ୍‌ନ ବାରି ତିମତିନେ ବାନ୍ ପେଇଂନେ ତାଗ୍ରା ବାସଙ୍ଗ ତିଙ୍ଗିକେ ମେଁ ଆଁ ବାରି ଶୁ ଆଡାକେ ଶୁ ବାରି ମେଁନେ ତାଗ୍ରା ଆଁ ତାଗ୍ରବକେ ।

୨୦ ତାଗ୍ରା ପର୍ମେସର୍ ଆଣ୍ଡିନେ ସାପା ପର୍ମାନ୍ ତିଙ୍ଗିବକେ ମେଁ କିସ୍‌ଟନେ ତାଗ୍ରା ଆତେନ୍ ସାପା ଆଣ୍ଡେଙ୍ଗ୍ ଆଁ ତିଙ୍ଗିଲେକେ । ଆତେନ୍‌ସା ନେନେ ପର୍ମେସର୍‌ନେ ମଇମା ନ୍ସା କ୍ରିସ୍‌ଟେ ମ୍ପିରେ “ଆମେନ୍” ତାଗ୍ରେ ବାସଙ୍ଗନେଡିଙ୍ଗ ।

୨୧ ନିଜେ ଇସ୍‌ପର୍ ଜିସୁ କିସ୍‌ଟନେ ତାଗ୍ରା ପେଇଂନେ ବାରି ନେନେ ପାରାନ୍‌କେ ମୁଇଂଅରିଆ ଆଡିଙ୍ଗ୍‌ରେ ରକ୍ୟା ତିଙ୍ଗିବକେ ।

୨୨ ମେଁ ଆନେକେ ବିନେ ଆଡିଙ୍ଗିବକେ ବାରି ନେନେ ଗାଗ୍‌ଡେନ୍‌ନିଆ ମେଁନେ ପବିତ୍ର ଆମ୍ବାକେ ଆନ୍ତାର୍ ବକେ । ପବିତ୍ର ଆମ୍ବା ତିଙ୍ଗିଡିଙ୍ଗେ

ନେନେ ଆଡ଼ାଡ଼ା ଇସ୍‌ପରନେ ଅଦିକାରନେ ଚିନା ବାରି ଇଡ଼ିଂଡେ ନେ ମେଃମେଃନେ ନେବାଏ ମେଁନେ ଦାନ ରକମ୍ ।

^{୨୩} ଇସ୍‌ପର ନେଙ୍ଗନେ ସାକି । ମେଁ ନେଙ୍ଗ ଗାଗ୍‌ଡେ ପାରମାନ ଡିଂଡିଂକେ ଜେ, ଆପେକେ ନେଙ୍ଗ ଡିରକମ୍ ବାରି ବାଦା ନ୍ନାବିଃ ଶୁ ଆଡେନ୍‌ସା ନେଙ୍ଗନେ କରିନ୍ନ ବାରମୁଇଂଡର ନାଝେକେ ଶୁ ।

^{୨୪} ପେଇଂ ଆଣ୍ଡିନେ ସାମୁଆଁ ବିସ୍‌ବାସ୍ ପେଡିଙ୍ଗ୍ ଏନ୍ ବିସ୍‌ୟରେ ପେନେ ଆଡ଼ାଡ଼ା ସାସନ୍ ଡିଙ୍ଗନ୍‌ସା ନେନେ ଚେସ୍‌ଟା ନେଡିଙ୍ଗ୍‌କେ ଶୁ ଡାଗ୍ଲା ପେଇଂ ବିସ୍‌ବାସ୍‌ନିଆ ଇକ୍‌ଟା ଲେଃକେ । ବାରି ଆପେକେ ମାତର ସୁକ୍ ଆଡିଙ୍ଗ୍ ନ୍‌ସା ପେଇଂନେ ଏଡେ କୁଡେଚେ ନେ କାମ୍ ଡିଂନେଡିଂକେ ।

୨

^୧ ମାତର ପେଇଂନେ ଡାଗ୍ଲା ନେଙ୍ଗନେ ଝେନେ ଡିରକମ୍ ବାରମୁଇଂଡର ଦୁକ୍ ଆଡିଙ୍ଗ୍ ଶୁ ଏନ୍ ନେଙ୍ଗ ମନ୍‌ନ୍ନିଆ ବାବେ ନ୍‌ଲେଃକେ ।

^୨ ଆପେକେ ଦୁକ୍ ବିଲା ଆନେଙ୍ଗ ଜାଣ୍ଡେ ସାର୍ଦା ବିଏ ? ଆପେକେ ଆଃଡାର୍‌ଚେ ବାରି ଦେଡରକମ୍ ଜାଣ୍ଡେ ଶୁ ।

^୩ ବାରି ଜାଣ୍ଡେଇଂନେ ବାନ୍ ନେଙ୍ଗନେ ସାର୍ଦା ଡିଙ୍ଗନେ ଦରକାର୍ ମେଁଇଂନେ ବାନ୍ ନେଙ୍ଗ ପାଙ୍ଗ୍‌ଚେ ଡିରକମ୍ ଦୁକ୍ ଆବା ଶୁ ଏନ୍‌ସା ନେଙ୍ଗ ଏନ୍ ସାମୁଆଁ ଗୁଆରମ୍‌କେ ଡେସା ନେଙ୍ଗନେ ସାର୍ଦାରେ ଜେ ପେଇଂନେ ସାର୍ଦା ଏନ୍ ପେ ସାପାରେନେ ବିସ୍‌ୟରେ ନେଙ୍ଗନେ ବିସ୍‌ବାସ୍ ।

^୪ ମାଲେ ଦୁକ୍ ବାରି କସ୍ ଗାଗ୍‌ଡେନ୍ନିଆ ଅଃ ଅଃଚେ ନେଙ୍ଗ ଆଣ୍ଡିନେ ଚିଚି ଗୁଆରମ୍‌କେ ଆପେକେ ଦୁକ୍ ଆଡିଙ୍ଗନ୍‌ସା ଶୁ ମାତର ଆପେକେ ନେଙ୍ଗ ଉଡ଼ି ଆଲାଦ୍ ଡିଂଣ୍ଡିଂକେ ଏନ୍ ଆମ୍ୟାନେ ଲେଃଗେ ଆଡେନ୍ ଚିଚିନେ ବିସ୍‌ୟ ।

ଦସିକେ ଲିବିସ

^୫ ଜଦି ଜାଣ୍ଡେ ଜାଣ୍ଡେକେ ଦୁକ୍ ବିବଏ ମେଁ ମାତର ନେଙ୍ଗ ମନ୍‌ନ୍ନିଆ ଦୁକ୍ ଆବିକେ ଶୁ ଗଣ୍ଡା ଜାବର୍ ଆପେକେ ଡିଗ୍ ଦୁକ୍ ବିବକେ । ଏନ୍ ବିସ୍‌ୟରେ ନେଙ୍ଗ ଜାବର୍ ଡାଟ୍ ଡିଙ୍ଗନ୍‌ସା ଇକ୍‌ଟା ନାଡିଙ୍ଗ୍‌କେ ଶୁ ।

୬ ପେଇଁନେ ବିଦ୍ରେ ଉଠିରୁଆନେ ଇକଟା ଅନୁସାରେ ଆତେନ୍ ରେମୁଆଁକେ ଆଣ୍ଟିନେ ତଣ୍ଡ ବିବକେ ଆତେନ୍ ମେନ୍‌ସା ଜାବର୍ ।

୭ ମେଁ ତିରକମ୍ ଜାବର୍ ଦୁକ୍‌ରେ ବାଞ୍ଚେ ଆପଡେ ଶୁ । ଆତେନ୍‌ସା ଏକ୍ରେ ଆମେକେ ଲିବିସ ବାରି ସାନ୍ତି ବିଃନେ ପେଇଁନେ ଦରକାର୍ ।

୮ ଆପେକେ ନେଙ୍ଗ୍‌ନେ ଗୁଆରେ ପେଇଁ ଆମେକେ ଆଲାଦ୍ ତିଙ୍ଗ୍‌ଣ୍ଟିକେ ଡାଗ୍‌ରେ ଆମ୍ୟାବିପା ।

୯ ପେଇଁ ନେଙ୍ଗ୍‌ନେ ସାପା ସାମୁଆଁନେ ପାଲନ୍ ତିଙ୍ଗ୍ ନ୍ୟା ଇକଟା ଲେଃ ଶୁ ଏନ୍ ପରିକ୍ୟା ତିଙ୍ଗ୍‌ନ୍‌ସା ନେଙ୍ଗ୍ ଆପେକେ ଗୁଆର୍‌ମ୍‌କେ ।

୧୦ ଜଦି ପେଇଁ ଜାଣ୍ଟେକେ ଲିବିସ ପେଡିଙ୍ଗ୍‌ଏ ନେଙ୍ଗ୍ ତିଗ୍ ଆମେକେ ଲିବିସ ଶ୍ରିଙ୍ଗ୍‌ଏ । ନେଙ୍ଗ୍ ଜଦି ମେଃଡିଗ୍ ବିସୟ୍‌ରେ ଜାଣ୍ଟେକେ ଲିବିସ ତିଙ୍ଗ୍‌ମ୍‌ଏ ଆତେନ୍ କିସ୍‌ଟେନେ ସାମ୍‌ନାନ୍ନିଆ ପେଇଁନେ ଆଡ୍‌ଲା ତିଙ୍ଗ୍‌ବଏ ।

୧୧ ତେସା ସେଃଆଁରେନେ ବିରଦ୍‌ରେ ମେଃଡିଗ୍ କାମ୍ ତିଙ୍ଗ୍‌ନ୍‌ସା ସୁଜଗ୍ ଆବା ଶୁ; ନେନେ ସେଃଆଁରେନେ ପାଞ୍ଚେଃନେଇଁ ବିସୟ୍‌ରେ ଜାବର୍ ବଲ୍ ବାବ୍‌ରେ ମ୍ୟାଃନେଲେକେ ।

ତ୍ରୋୟାନ୍ନିଆ ପାଉଲ୍‌ନେ ସାଦ୍‌

୧୨ *କିସ୍‌ଟେନେ ନିମାଣ୍ଡା ସାମୁଆଁ ବାସଙ୍ଗ୍ ଅଲେଙ୍ଗ୍ ନ୍ୟା ତ୍ରୋୟା ଦିପ୍‌ନ୍ନିଆ ଝେଟାଚେ ନେଙ୍ଗ୍ କେକେ ଏନ୍ କାମ୍ ନ୍ୟା ମାପୁ ଗାଲି ରଃ ବିଃବକେ ।

୧୩ ମାତର୍ ବୟ୍‌ ତିତସ୍‌କେ ଆଡ୍‌ଅରିଆ ଆଃକେଚେ ନେଙ୍ଗ୍ ତେରେପେଡେ ଶ୍ରିଙ୍ଗ୍‌କେ । ତେସା ଆଡ୍‌ଅରିଆ ରେମୁଆଁଇଁବାନ୍ ଆଡ୍‌ର ବିଚେ ନେଙ୍ଗ୍ ମାସିଦୋନିଆନିଆ ଉଞ୍ଚେକେ ।

କ୍ରିଷ୍ଟୁନେ ବାନ୍ ଜିତେନେ

୧୪ ଇସ୍‌ପର୍‌ନେ ଦନ୍‌ସବାଦ୍ ତିଙ୍ଗ୍‌ଲେ । ଡାଗ୍ଲା ମେଁ ଜିସୁ କିସ୍‌ଟେନେ ବାନ୍ କାଲାଆଃ ଆନେକେ ଜିତେନେ ଗାଲି ଝା ତୁଙ୍ଗ୍‌ଝେଏ । ବାରି ବାସ୍ମା ପିଡୁର୍ ପାକା ବିଚେ ବିଃକ୍ଲେ ରକମ୍ କିସ୍‌ଟେନେ ଗ୍ୟାନ୍ ବିନ୍‌ଶ୍ଟେକେ ବିନ୍‌ସା ଇସ୍‌ପର୍ ଆନେକେ ବାଃଲିର୍‌ବାଃଡା ତିଙ୍ଗ୍‌ମ୍ୟାକେ ।

* ୨:୧୨ ପ୍ରେରିତ୍ ୨୦:୧.

୧୫ ଡାଗ୍ଲା ଉଦାର ବାଲେଃକ୍ଲେ ବାରି ନସ୍ତୁ ଡିଙ୍ଗ୍‌କ୍ଲେ ରେମୁଆଁଇଁନେ ବିତ୍ରେ ନେ ଇସ୍‌ପରନେ ମୁଆଃନ୍ନିଆ କିସ୍‌ଟନେ ବାସ୍ମା ରକମ୍ ।

୧୬ ଜାଣ୍ଡେଇଁ ଗୁଏ ଲେଃଆରକେ ମେଇଁନେସା ନେ ଗୁଏନେ ବାସ୍ମା ରକମ୍ ନେଲେକେ । ମାତର୍ ଜାଣ୍ଡେଇଁ ରକ୍ୟା ବା ଲେଃଆରକେ, ନେନେ ମେଇଁନେସା ପାରାନ୍‌ନେ ବାସ୍ମା ନେଲେକେ । ଏଲେଡିଗ୍ ପ୍ରସ୍‌ନ୍ ଏନ୍ ଜେ ଏନ୍ କାମ୍ ଡିଙ୍ଗ୍‌ନ୍‌ସା ଜାଣ୍ଡେ ଇକ୍‌ଟା ?

୧୭ ଗୁଲ୍ଲୁଏ ରେମୁଆଁ ନିଜର୍ ନିମାଣ୍ଡା ନ୍‌ସା ଇସ୍‌ପରନେ ବ୍ଲାଲିର୍ ବାଃଲିର୍‌ବାଃତା ଡିଙ୍ଗ୍‌ଆରଏ । ନେନେ ମାତର୍ ଦେଡ୍‌ରକମ୍ ଶୁ । ଆନେକେ ଇସ୍‌ପର ବେବଲ୍ଲା ନେନେ ବିସ୍‌ବାସ୍ ରକମ୍ ମେଁନେ ଆଦେସ୍ ପାଲନ୍ ନେଡିଙ୍ଗ୍‌ଏ ବାରି ଇସ୍‌ପରନେ ସାମ୍‌ନାନ୍ନିଆ କିସ୍‌ଟନେ ଗୁଡିରେ ରକମ୍ ବାସଙ୍ଗ୍ ନେଡିଙ୍ଗ୍‌କେ ।

୩

ମି ନିୟମନେ ଗୁଡିରେ

୧ ନେ ମେଃନେ ବାରି ଆମ୍ବା ବଡ୍‌ପନ୍ ଡିଙ୍ଗ୍‌ନେ ରକମ୍ ମନେ ଡିଙ୍ଗ୍‌ନେଡିଁକେ ? ଶୁଲ୍ଲା ବିନ୍‌ରେନେ ରକମ୍ ନେ ମେଃନେ ପେନେ ଡାଗ୍ଲା ଶୁଲ୍ଲା ପେନେ ଡାଗ୍ଲାବାନ୍ ସ୍ମାମୁଆଃ ଉଲିଆ ଦର୍‌କାର୍ ଡିଙ୍ଗ୍‌ନେଡିଙ୍ଗ୍ ?

୨ ପେଇଁ ଆଃ ନେନେ ସ୍ମାମୁଆଁ ଉଲିଆ ନେନେ ଗାଗ୍‌ଡେନ୍ନିଆ ଗୁଆର୍ ବକ୍ଲେ ଲେକା ଜାଣ୍ଡେକେ ସାପାରେ ମ୍ୟାଆରଏ ବାରି ପଡେ ଯାଆରଏ ।

୩ ଏନ୍ ସ୍ମାମୁଆଁ ଉଲିଆ କିସ୍‌ଟନେ ବାନ୍ ସେବାନ୍ନିଆ ଗୁଆର୍‌ବକେ ବାରି ନେ ବାନ୍ ମେଁନେ ଆନ୍‌ା ବକେ । ଏନ୍ ଏଲେଃସ୍‌ବାନ୍ କ୍ରି ଆଡାଡ୍ରା ଗୁଆର୍ ଆବକେ ଶୁ ମାତର୍ ଜିବନ୍ ଇସ୍‌ପରନେ ଆମ୍ବାବାନ୍ ରେମୁଆଁ ଗାଗ୍‌ଡେନ୍ନିଆ ଗୁଆର୍‌ବକେ ।

୪ ବାରି କିସ୍‌ଟନେ ବାନ୍ ଇସ୍‌ପରନେ ଆଡାଡ୍ରା ଆସା ବଚେ ନେଁଇଁନେ ଦେକ୍‌ରକମ୍ ବିସ୍‌ବାସ୍ ଲେଃକେ ।

୫ ନେ ଜେ ନିଜର୍ ବାନ୍ ମେଃଡିଗ୍ ଆନ୍ତାର ନ୍‌ସା ବପୁ ଶୁ ମାତର୍ ନେ ବପୁ ଇସ୍‌ପରବାନ୍;

୬ ମି ନିୟମକେ ପାଲନ୍ ଡିଙ୍ଗ୍‌ନେସା ଇସ୍‌ପର ଆନେକେ ସ୍ତ୍ରି ବକେ । ଏନ୍ ନିଅମ୍ ଗୁଆର୍‌କ୍ଲେ ଶୁ ମାତର୍ ଆମ୍ବାନେ ବାନ୍ ଗୁଆର୍‌ବକେ; ଡାଗ୍ଲା

ଗୁଆରକ୍ଳେ ନିଅମ୍ ଗୁଏ ତିଙ୍ଗ୍ ମାତର୍ ଆମ୍‌ନେ ନିଅମ୍ ଜିବନ୍ ବିଷଏ

୭ ହି ଆଡାତ୍ରା ଗୁଆରକ୍ଳେ ମସାନେ ନିୟମନେ ତିଆର୍ ବେଲା ଇସ୍‌ପରନେ ମଇମା ନା ଲେଃକେ । ଆତେନ୍ ମଇମା ତାରକିଗ୍ ଲିଗ୍ ଝେଲେଲା ତିଗ୍ ମସାନେ ତାରକିଗ୍ ସାର୍ମୁଆଁ ପାକା ଇସ୍‌ଏଲ୍ ରେମୁଆଁଇଁ କେୟା ଆୟା ଆରକେ ଶୁ । ଆଃଗୁଏନେ ନିଅମ୍ ଜଦି ଦେକ୍‌ରକମ୍ ସନ୍‌ମାନ୍ ଏତେ ନା ଲେଃକେ

୮ ତେଲା ପବିତ୍ର ଆମ୍‌ନେ ସେବାକାମ୍ ଉଡ଼ି ଜାବର୍ ମଇମା ଆଡ଼ିଙ୍ଗ୍ ଶୁ ?

୯ ଡାଗ୍ଲା ତଣ୍ଟ ବାନେ ସେବାକାମ୍ ମଇମାମୟ ଲେଃକେ ତେଲା ଦରମ୍‌ନେ ସେବାକାମ୍ ବାରି ଆରି ଜାବର୍ ମଇମାମୟ ଲେଃକେ ।

୧୦ ବାଞ୍ଜିର୍ ସେବାନ୍ନିଆ ମଇମା ଲେଃକେ ମାତର୍ ଜାବର୍ ମଇମାମୟ ମି ସେବା ଏତେ ସମାନ୍ ଆଡ଼ିଙ୍ଗ୍‌ଲା ଆତେନ୍ ସେନୁଗ୍ ମଇମା ମେଃଡ଼ିଗ୍ ଶୁ ।

୧୧ ଆଣ୍ଡିନେ ଜତନ୍ ଉଡ଼ି ଦିନ୍ ସାଃଲେଃକେ ଆତେନ୍ ଜଦି ମଇମା ଏତେ ପାଞ୍ଜିଲେଃକେ ତେଲା ଏନ୍ ମାତାନେ ଜୁଗ୍ ଲେଃକେ ଜତନ୍ ଜାବର୍ ବୁଦିରେ ତିଙ୍ଗ୍‌ନେ ଜନମ୍‌ବାନ୍ ବୁଦି ତିଁକେ ।

୧୨ ଆତେନ୍ ଆସା ଲେଃଲା ନେନେ ଜାବର୍ ସାହାସ୍ ।

୧୩ ନେନେ ମସାନେ ରକମ୍ ଶୁ । ମେଁ ନିଜର୍ ସାର୍ମୁଆଁ ତାତେ ତିରକମ୍ ତା ତୁଂଝେକ୍ଳେ ମେଁ ତାରକିଗ୍‌ନେ ଅବସ୍ତା ଇଶ୍ରାୟେଲ୍ ରେମୁଆଁଇଁ କିକେ ଆୟାଆର୍ ଶୁ ।

୧୪ ସତେଆ ମେଁଇଁନେ ମନ୍‌ଆଣ୍ଡେଁ ନସ୍ତୁ ତିଙ୍ଗ୍‌ଲେଃକେ । ଏବେ ତିଗ୍ ବାଞ୍ଜିର୍ ନିଅମ୍ ପଡ଼େନେ ବେଲା ମେଁଇଁନେ ସାର୍ମୁଆଃନ୍ନିଆ ତିତା ଲେଃକେ । ଜିସୁ କ୍ରିସ୍ତୁନେ ଏତେ ମିସେତେ ଲେଃନେ ବାନ୍ ମାତର୍ ଆତେନ୍ ତିତି ସ୍ଥ ଆଡ଼ିଙ୍ଗ୍‌ବକେ ।

୧୫ ମାତର୍ ଦେକ୍‌ରକମ୍ କି ଏକେ ଉଡ଼ିବେଲା ଏନ୍ ରେମୁଆଁଇଁ ମସାନେ ନିୟମକେ ପଡ଼େଆରଏ ଆତେନ୍ ତିତି ନ୍‌ସା ମେଇଁ ଆକ୍‌ନେ ଅରଡ୍ ବୁଜେ ଆୟାଆର୍ ଶୁ ।

୧୬ ମାତର୍ ମୁଇଁଜା ରେମୁଆଁ ଉଡ଼ିବେଲା ବଜ୍ଜେ ଝେଏ ବାରି ମେଁ ମାପୁନେ ପ୍ଲା ତିଙ୍ଗ୍‌ଏ ଆତେନ୍ ତିତାକ୍ଳେ ରଃ ବିକେ ।

୧୭ ମାପୁ ଆମ୍ଭା ଡିଙ୍ଗଡ଼ିକେ “ଆଣ୍ଡିଅରିଆ ମାପୁନେ ଆମ୍ଭା ଲେଖକେ ଆଡ଼ଅରିଆ ମୁକ୍ତି ଲେଖକେ ।”

୧୮ ନେନେ ଗାଗଡ଼େଇଂ ସୁନ୍ଦର୍ ଶୁ । ନେନେ ସାପାରେ ମଇମା ବଦ୍‌ଲେ ଡିଙ୍ଗକେ । ନେନେ ମେନେ ରକମ୍ ଡିଙ୍ଗନେ ନିଜେକେ ବଲ୍ଲେ ନେଡ଼ିଙ୍ଗକେ । ଏନ୍ ବଦ୍‌ଲେଖନେ ନେନେ ବିଡ୍ରେ ଜାବର୍‌ବାନ୍ ଜାବର୍ ମଇମା ତୁଙ୍ଗବିଏ । ଆଡେନ୍ ମଇମା ମାପୁନେ ବାନ୍ ବାଲେଖ ।

୪

ତୁବଃ କୁଇନ୍ନିଆ ଇସ୍‌ପରନେ ଦନ୍

୧ ଇସ୍‌ପରନେ ଲିବିସଃରେ ଆନେକେ ଏନ୍ ଜଡନ୍ କାମ୍ ବିବଲା ନେନେ ଆକ୍‌ମେକେ ଆନ୍ତାର ନେନେ ବିଗପା ।

୨ ଗିଆସନେ ବାରି ଦଦ୍ୟା କାମ୍‌ଆଣ୍ଡେଙ୍ଗ ସାପା ଆନ୍ତାରୁବି ନେବକେ । ନେନେ କୁର୍ ନେଡ଼ିଙ୍ଗକେ ଶୁ ପର୍‌ମେସର୍‌ନେ ବ୍ଲାଲିର୍ ବଲ୍ଲେ ଆଡ଼ିଂକେ ଶୁ ବାରି ନେନେ ସଡ଼କେ ଦରମ୍ ବାବରେ ଆନ୍ ନେଡ଼ିଙ୍ଗକେ । ଏନ୍‌ବାନ୍ ରେମୁଆଁଇଂନେ ଡାଗ୍ରା ନେନେ ନିଜର୍ ରେମୁଆଁନେ ବୁଦି ଆସୁଏ ନେଡ଼ିଙ୍ଗକେ, ଆଣ୍ଡିନେ ବାନ୍ ସାପାରେ ନିଜର୍ ଗାଗଡ଼େନ୍ନିଆ ମ୍ୟା ଆରଏ ଜେ, ପର୍‌ମେସର୍‌ନେ ସାମ୍‌ନାନ୍ନିଆ ନେ ସଡ଼ ବ୍ଲାଲିର୍ ବାସଙ୍ଗ ନେଡ଼ିଙ୍ଗକେ ।

୩ ଡାଗ୍ଲା ନେନେ ବାନ୍ ବାସଙ୍ଗକ୍ଲେ ନିମାଣ୍ଡା ସାମୁଆଁ ଜଦି ଗୁନ୍ ବେକାର୍ ତେଲା ମାତର୍ ନସ୍ ଗାଲି ପାକା ଝେଣ୍ଡେଇଂ ନ୍‌ସା ଆଡେନ୍ ଗୁନ୍ ସରାଃ ।

୪ ମେଇଂ ବିସ୍‌ବାସ୍ ଆଡ଼ିଙ୍ଗ୍‌ଆର୍ ଶୁ ଡାଗ୍ଲା ମେଂଇଂନେ ମନ୍‌ନ୍ନିଆ ଏନ୍ ମାସ୍‌ପୁରନେ ଦେବ୍‌ତା କାନା ଆଡ଼ିଙ୍ଗ୍ ବକେ । ଇଡ଼ିଙ୍ଗ୍ ଇସ୍‌ପରନେ କ୍ଲିଗ୍ ଗାଗଡ଼େ କିସ୍‌ଟନେ ମଇମାମୟ ନିମାଣ୍ଡାସାମୁଆଁନେ ତାର୍‌କିଗ୍ କିକେ ଆୟାଆର୍ ଶୁ ।

୫ ନେଁ ନିଜେକେ ନେବାସଙ୍ଗ୍ ଶୁ ମାତର୍ କିସ୍‌ଟନେ ମାପୁ ଡାଗ୍‌ଟେ ବାରି ଜିସୁନେ ସା ନିଜେ ନିଜେକେ ପେନେ ସେବକ ଡାଗ୍‌ଟେ ବାସଙ୍ଗ ନେଡ଼ିଙ୍ଗକେ ।

୬ ଡାଗ୍ଲା ଆଣ୍ଡିନେ ଇସ୍‌ପର୍ ବାସଙ୍ଗବକେ “ଡାଙ୍ଗକିଗ୍ ବିଡ୍ରେ ତାର୍‌କିଗ୍ ଡିଙ୍ଗଲେଖ” ମେଁ କିସ୍‌ଟନେ ସାମୁଆଁନ୍ନିଆ ନ୍‌କ୍ଲେ

ଇସ୍ପରନେ ମଇମାମୟ ଗ୍ୟାନନେ ତାରକିଗ୍ ଆସୁଏ ନ୍ୟା ନେନେ
ଗାଗ୍ତେନ୍ନିଆ ତାରକିଗ୍ ଆଃତିଂବକେ ।

୭ ମାତର୍ ନେନେ ଦରମ୍ ତୁବଃ କ୍ଷୁକ୍ନିଆ ଏନ୍ ମାପୁରୁନେ
ସମ୍ପତି ବାନେଲେଃକେ । ଏନ୍ବାନ୍ ପାରମାନ୍ ତିଙ୍ଗ୍ ଲେଃକେ ଜେ
ଦେକ୍‌ରକମ୍ ମ୍ବାବପୁ ନେନେ ଶୁ ମାତର୍ ଇସ୍ପରନେ ।

୮ ନେନେ ସାପା ରକମ୍ କସ୍ ବା ନେତିଙ୍ଗ୍‌କେ ମାତର୍
ଆରେନେଝେକେ ଶୁ । ବେଲା ବେଲା ତେରେପେତେ
ତିଙ୍ଗ୍‌ଝେନେତିଙ୍ଗ୍‌କେ ମାତର୍ ମ୍ୟାନେୟାକେ ଶୁ ।

୯ ନେନେ କସ୍ ବାନେଲେକେ ମାତର୍ ଇସ୍ପର ଆନେକେ ଅଃନା
ଆନ୍ତାର ଆବିକେ ଶୁ । ନେନେ ଉଡିତର୍ କସ୍ ବାନେଲେଃକେ ମାତର୍
ନସ୍ ତିଙ୍ଗ୍ ନେଝେକେ ଶୁ ।

୧୦ ଜିସୁନେ ଜିବନ୍ ତିରକମ୍ ନେତାଗ୍ରା ନ୍ୟା ଆତେନ୍‌ସା ନେନେ
କାଲାଆଃ ନେନେ ଗାଗ୍ତେ ଇଂକେ ଜିସୁନେ ଗୁଏଃକ୍ଳେ ତୁଙ୍ଗ୍
ନେଲେକେ ।

୧୧ ମେନେ ଜିବନ୍‌କେ ଏନ୍ ନେଙ୍ଗ୍‌ନେ ଗାଗ୍ତେନ୍ନିଆ ଆନ୍‌ ନ୍ୟା
ଜିସୁ ନ୍ୟା ସାରା ଜିବନ୍ ନେନେ ଗୁଏନେନ୍ନିଆ ଆତି ନେଲେକେ ।

୧୨ ଦେକ୍‌ରକମ୍ ବାବ୍‌ରେ ନେନେ ବିତ୍ରେ ଗୁଏନେ ବାରି ପେନେ
ବିତ୍ରେ ଜିବନ୍ କାମ୍ ତିଙ୍ଗ୍‌କେ ।

୧୩ ଦର୍ମ ସାସ୍ତ୍ରନ୍ନିଆ ଗୁଆର୍ ବକେ “ନେଙ୍ଗ୍ ବିସ୍‌ବାସ୍ ତିଙ୍ଗ୍‌ଲା
ସାମୁଆଁ ମ୍ବାସଙ୍ଗ୍‌କେ ।” ନେନେ ଆତେନ୍ ବିସ୍‌ବାସ୍‌ନେ ଆମ୍ବା
ବାନେଲେଃକେ । ନେନେ ବିସ୍‌ବାସ୍ ନେତିଙ୍ଗ୍‌କେ ଆତେନ୍‌ସା ନେନେ
ନେବାସଙ୍ଗ୍‌ଏ ।

୧୪ ନେନେ ମ୍ୟାନେଲେକେ ଇସ୍ପର ମାପୁ ଜିସୁକେ ଗୁଏକ୍ଳେବାନ୍
ଜିବନ୍ ଆତିଙ୍ଗ୍ ବକେ । ଆତେନ୍ ଇସ୍ପର ଜିସୁନେ ଏତେ ଆନେକେ
ତିଗ୍ ଜିବନ୍ ଆଃତିଙ୍ଗ୍‌ଏ ବାରି ପେଇଂନେ ଏତେ ଆନେକେ ମେନେ
ସାମ୍‌ନାନ୍ନିଆ ତୁଂଝେଏ ।

୧୫ ପେଇଂନେ ମଙ୍ଗଲ୍ ନ୍ୟା ଏନ୍ ସାପା ଗଟେତିଂକେ । ଇସ୍ପର
ଲିବିସ ବାରି ଜାବର୍‌ବାନ୍ ଜାବର୍ ମ୍ବାରେ ରେମୁଆଁଇଂକେ ନିମାଣ୍ଡା
ଆତିଙ୍ଗ୍‌କେ ବାରି ଗୁଲୁଏ ଦନ୍‌ଏବାଦ୍ ଏତେ ଇସ୍ପରନେ ମଇମା
ତିଙ୍ଗ୍‌ଆର୍‌ଏ ।

ବିସ୍‌ବାସ୍‌ନେ ଜିବନ୍

୧୭ ଆତେନ୍‌ସା ନେନେ ଅଃନା ତିଗ୍ ନିରାସ୍ ନେତିଙ୍ଗ୍ ଶୁ ଏଲେତିଗ୍ ନେନେ ଚାଲେଲେଃକ୍ଲେ ଗାଗ୍‌ଡେ ନସ୍ ତିଙ୍ଗ୍ ଝେତିଂକେ ମାତର୍ ନେନେ ବିଡେନେ ଆମ୍ ଦିନ୍‌କେ ଦିନ୍ ମିବାନ୍ ଜାବର୍ ମି ତିଙ୍ଗ୍‌ଝେତିଂକେ ।

୧୮ ଏନ୍ ତାଆଁନେ ବାରି ପ୍ରେଗ୍ ନସା ଦୁକ୍‌କସ୍‌ନେ ନସା ତୁଙ୍ଗ୍‌ପାଙ୍ଗ୍ ବକେ, ମାପେ ମାୟାନେ କାଲାଆଃ ଲେଃନେ ଗୌରବ୍ ସମ୍ପତି ।

୧୯ ତେସା ନେ ନାକ୍ଲେ ବିସୟ୍ ଆଡାତ୍ରା ଇକ୍‌ଚା ଆତିଙ୍ଗ୍‌ଚେ ଆନାକ୍ଲେ ବିସୟ୍ ଆଡାତ୍ରା ଇକ୍‌ଚା ତିଙ୍ଗ୍‌ନେତିଙ୍ଗ୍‌କେ; ତାଗ୍ଲା ନାକ୍ଲେ ବିସୟ୍ ପ୍ରେକ୍ ଆଃ ଲେଃଏ ମାତର୍ ଆନାକ୍ଲେ ବିସୟ୍ ମାତାନେ ଜୁଗ୍ ଜାକ ଲେଃଏ ।

୫

୧ ନେ ମ୍ୟାନେଲେକେ ଆଣ୍ଡିନେ ମଞ୍ଚପୁର୍ ଗାଗ୍‌ଡେନେ ରୁପ୍ ତମୁନ୍ନିଆ ନେନେ ବାସା ନେଲେକେ ଆତେନ୍ ଦଂସ୍ ତିଙ୍ଗ୍‌ଝେଲା ଆନେକେ ଇସ୍‌ପର୍ କିତଂନ୍ନିଆ ମୁଇଙ୍ଗ୍ କାଲାଆଃ ନସା ତୁଆ ଆର୍ନେ ବିଏ । ଆତେନ୍ ରେମୁଆଁ ଆରେକ୍ଲେ ଶୁ ନିଜେ ଇସ୍‌ପର୍ ଆତେନ୍ ଆରେ ବକେ ।

୨ ଏନ୍ ମଞ୍ଚପୁର୍‌ନ୍ନିଆ ବାସା ଲେଃଚେ ନେନେ ଆତେନ୍ ମାପୁରୁନେ ତୁଆ ରକମ୍ ପାଟାଇ ଝାଡେଗ୍ ନସା ଅଃନେତିଙ୍ଗ୍ ।

୩ ମାତର୍ ଆତେନ୍ କିତଂନେ ତୁଆନ୍ନିଆ ଝେଚାଲା ନେନେ ଗାଗ୍‌ଡେ ତିଗ୍‌ଚା ନେନା ଶୁ ।

୪ ତାଗ୍ଲା ନେ ଏନ୍ ତମୁନ୍ନିଆ ବାସା ଲେଃଚେ ଲିଗିଙ୍ଗ୍ ତୁଙ୍ଗ୍‌ଚେ ଅଃନେତିଙ୍ଗ୍; ତେସା ନେ ଜେ ମଞ୍ଚପୁର୍ ଆନ୍ତାର୍ ନସା ଇକ୍‌ଚା ନେତିଙ୍ଗ୍‌ଏ ଆତେନ୍ ଶୁ ମାତର୍ ଜିବନ୍ ତିରକମ୍ ଦରତନିକେ ଦଂସ୍ ତିଙ୍ଗ୍‌ଏ ଏନ୍‌ସା ଏନ୍ ମଞ୍ଚପୁର୍ ଆଡାତ୍ରା ବିନ୍ ପାଟାଇ ଝାଡେଗ୍ ନସା ନେ ଇକ୍‌ଚା ନେତିଙ୍ଗ୍‌ଏ ।

୫ ଇସ୍‌ପର୍ ଆନେକେ ଏନ୍ ବଦ୍‌ଲେଃନେ ସା ଆର୍ନେ ତିଙ୍ଗ୍‌ବକେ । ବାରି ଏନ୍ ପାରମାନ୍ ତିଙ୍ଗ୍‌ବକେ ମେଁନେ ପବିତ୍ର ଆମ୍‌କେ ମେଁ ଆନେକେ ଦାନ୍ ତିଙ୍ଗ୍‌ବକେ ।

୬ ଆତେନ୍‌ସା ନେନେ ସାପାବେଲା ସାହାସ୍ ସାଃନେଲେକେ । ନେନେ ମ୍ୟାନେଲେକେ ଉଡି ଦିନ୍ ନେନେ ଆକେନ୍ ଗାଗ୍‌ଡେନ୍ନିଆ

ବାସା ନେଲେକେ ଅଃତେନ୍ ଦିନ୍ ମାପୁନେ ତୁଆବାନ୍ ସ୍ଲଲେଃଚେ ବୁଆ
ନେଡିଙ୍ଗକେ

୭ ତାଗ୍ଲା ନେନେ ଜିବନ୍ ନାନେ ବିସୟ୍ ଆଡାତ୍ରା ଶୁ, ମାତର୍ ବିସ୍ବାସ୍
ଆଡାତ୍ରା ଆଃରେକ୍ସେ ।

୮ ନେ ଏନ୍ ଗାଗଡେବାନ୍ ସ୍ଲ ଝେନେସା ବାରି ମାପୁନେ ତାଗ୍ରା
ଡିଙ୍ଗନ୍ସା ଜାବର୍ ଇକ୍ଟା ନେଡିଙ୍ଗ୍ ।

୯ ଆତେନ୍ସା ଆକ୍ଅରିଆ ନିଜର୍ ତୁଆ ଲାଃଲେ ଶୁଲା ବିନେ
ଲାଃଲେ ଇସ୍ପରକେ ସାର୍ଦା ଆଡିଙ୍ଗନେ ନେନେ ମୁଇଁ ଇକ୍ଟା ।

୧୦ ✧ତାଗ୍ଲା ନେନେ ସାପାରେକେ ମେଁନେ ବାନ୍ ବିଚାର୍ ଡିଙ୍ଗ୍ ନସା
ଡିଲାଡିଗ୍ କିସ୍ଟନେ ସାମନାନ୍ନିଆ ଝେନେ ପଡେଏ । ଆତେନ୍ ବେଲା
ନିଜର୍ ଗାଗଡେନ୍ନିଆ ନେନେ ଡିଙ୍ଗ୍ବକ୍ସେ ନିମାଣ୍ଡା ଶୁଲ୍ଲା ଦଦ୍ୟା, ସାପା
କାମ୍ ସୁଗୁଆ ନେ ପଲ୍ ନେବାଏ ।

ବିନ୍ଶ୍ଟେକେ ସେବାଡିଙ୍ଗକ୍ସେ ରେମୁଆଁ ପର୍ମେସର୍ନେ କୁଟୁମ୍
ଡିଙ୍ଗ୍

୧୧ ମାପୁକେ ବୁଟନେ ଅର୍ତ୍ତ ମେଃମେଃନେ ନେନେ ମ୍ୟାନେଲେକେ
ବାରି ଏନ୍ ଡିଙ୍ଗ୍ ନସା ନେନେ ସାପାରେକେ ବୁଜେ ନେଡିଙ୍ଗକେ ।
ଇସ୍ପର୍ ନେନେ ସାପାରେକେ ନିମାଣ୍ଡା ବାବ୍ରେ ମ୍ୟାଲେଃକେ ।
ନେଙ୍ଗ୍ ଆସା ଡିଙ୍ଗ୍ଶିଂକେ ପେଇଁ ଆନେଙ୍ଗ୍ ନିମାଣ୍ଡା ବାବ୍ରେ ମ୍ୟାପା
।

୧୨ ନେ ବାରି ମୁଇଁତର୍ ପେନେ ତାଗ୍ରା ଆମ୍ବାବଡ୍ପନ୍ ଡିଙ୍ଗନ୍ସା
ଚାଏଁନେଡିଙ୍ଗକେ ଶୁ । ବାରି ନେନେ ସମ୍ପିକ୍ନିଆ ଜାବର୍ ବାବ୍ରେ
ଗରବ୍ ଡିଙ୍ଗନ୍ସା ଆପେକେ ସୁଜଗ୍ ବିଃନେ ନେନେ ଅଦିକାର୍ ।
ତେଲା ମାଡାନେ ଗୁନ୍ ମାକେଚେ ମାତର୍ ଚାଲେଲେଃକେ ଗରବ୍ରେ
ଇକ୍ଟା ଡିଙ୍ଗଚେ ଜାଣ୍ଟେଇଁ ଗରବ୍ ଡିଙ୍ଗ୍ଆର୍ଏ ଆମେଇଁକେ ପେଇଁ
ସମାନ୍ ବାବ୍ରେ ଉତର୍ ବିପେୟାଏ ।

୧୩ ନେନେ ଜଦି ବାୟା ଆତେନ୍ ପର୍ମେସର୍ନେ ନସା । ଜଦି
ନେନେ ଟିକ୍ ମନ୍ନିଆ ନେଲେକେ ଆତେନ୍ ପେଇଁ ନସା ।

୧୪ କିସ୍ଟନେ ଆଲାଦ୍ବାନ୍ ନେନେ ଚାଲେନେଡିଂକେ । ନେନେ
ବୁଜେ ନେଡିଙ୍ଗ କେ ମୁଇଁଜା ସାପାରେନେ ସା ଗୁଏ ଲେଃଲା ସାପାରେ
ଆତେନ୍ ଗୁଏନେ ବାଗ୍ ଡିଙ୍ଗ୍ଲେଆର୍କେ ।

✧ ୫:୧୦ ରମିୟ ୧୪:୧୦.

୧୫ ମେଁ ସାପାରେନେ ସା ଗୁଏ ଲେଃଲା ଜାଣ୍ଡେଇଁ ଜିବନ୍ ଲେଃଆରକେ ମେଇଁ ବାରି ନିଜର୍ ନ୍‌ସା ଜିବନ୍ ଆସାଚେ ମେଁନେ ସା ବୁଆଆର୍ଏ ଡାଗ୍ଲା ମେଁଇଁନେ ସା ମେଁ ଗୁଏଚେ ବାର୍‌ମୁଇଁତର୍ ଜିବନ୍ ତିଙ୍ଗ୍ ଲେଃକେ ।

୧୬ ତେସା ନେନେ ବାରି ଜାଣ୍ଡେକେ ରେମୁଆଁ ମୁଆଃନ୍ନିଆ ବିଚାର୍ ନେତିଙ୍ଗ୍ ଶୁ । ବେଲା ଲେଃଗେ ଉଡିବେଲା ନେନେ କିସ୍‌ଟକେ ତିଗ୍ ରେମୁଆଁ ମୁଆଃନ୍ନିଆ ବିଚାର୍ ତିଙ୍ଗ୍‌ନେତିଁକେ । ମାତର୍ ଏବେ ନେନେ ବାରି ଦେତ୍‌ରକମ୍ ନେତିଙ୍ଗ୍‌କେ ଶୁ ।

୧୭ ତେସା ଜଦି ଜାଣ୍ଡେ କିସ୍‌ଟନେ ଡାଗ୍ଲା ଲେଃକେ ତେଲା ମେଁ ମି ତିଆର୍ ତିଙ୍ଗ୍‌ଲେକେ; ବାଞ୍ଜିର୍ ବିସୟ୍ ସାପା ନସ୍ତୁ ତିଙ୍ଗ୍ ଝେଲେଃକେ କେଲାପା ମି ବିସୟ୍ ସାପା ତିଙ୍ଗ୍‌ଲେକେ ।

୧୮ ଏନ୍ ସାପା ଇସ୍‌ପର୍‌ନେ କାମ୍ । ମେଁ କିସ୍‌ଟନେ ବାନ୍ ଆନେକେ ମେଁନେ ଏତେ ସାନ୍ତି ଆଃରେବକେ ବାରି ମେଁନେ ଏତେ ବିନ୍‌ଶ୍ଟେନେ ସାନ୍ତି ଆଃରେନେ ନ୍‌ସା ମେଁ ଆନେକେ ଦାଇତ୍ ବିବକେ ।

୧୯ ତେସା ନେନେ ବ୍ଲାଲିର୍ ତିଙ୍ଗ୍‌ତିଙ୍ଗ୍ ଇସ୍‌ପର୍ କିସ୍‌ଟନେ ବାନ୍ ସାପା ରେମୁଆଁ ଜାତିକେ ମେଁନେ ଏତେ ସାନ୍ତି ତିଆର୍ ତିଙ୍ଗ୍‌ନ୍‌ସା ନିଅମ୍ ତିଙ୍ଗ୍‌ବକେ । ମେଁନେ ବିରଦ୍‌ରେ ମେଁଇଁନେ ବୁଲ୍ ସାପାକେ ମେଁ ବାରି ମେଁନେ ଇସାବ୍‌ରେ ଆବକେ ଶୁ । ବାରି ଏନ୍ ସାନ୍ତି ତିଆର୍ ବ୍ଲାଲିର୍ ବାସଙ୍ଗ୍‌ନେ ଦାଇତ୍ ନେନେ ଆଡାଡା ଅଦିକାର୍ ଲେଃକେ ।

୨୦ ତେସା ନେନେ କିସ୍‌ଟନେ ଏତେ ଏନ୍ ସାମୁଆଁ ବାସଙ୍ଗ୍‌ନେତିଙ୍ଗ୍‌କେ । ନିଜେ ଇସ୍‌ପର୍ ନେନେ ବାନ୍ ଏନ୍ ଝାବକେ । କିସ୍‌ଟନେ ପାକା ନେନେ କୁସାମୁତି ନେତିଙ୍ଗ୍‌ଏ ଇସ୍‌ପର୍ ସତୁତାବାନ୍ ସାଙ୍ଗ୍ ତିଙ୍ଗ୍‌ନେ ବଦ୍‌ଲେପା ।

୨୧ ନେନେ କିସ୍‌ଟନେ ସା ନେବାସଙ୍ଗ୍‌ଏ । କିସ୍‌ଟନେ ମେଃଡିଗ୍ ପାପ୍ ଆଲେଃକେ ଶୁ । ଇସ୍‌ପର୍ ଆମେକେ ନେନେ ନ୍‌ସା ପାପ୍ ରକମ୍ ତିଙ୍ଗ୍‌କେ ନେନେ ତିରକମ୍ ମେଁନେ ଏତେ ମିସୁଚେ ଇସ୍‌ପର୍‌ନେ ଦରମ୍‌ନେ ବାଗ୍ ତିଙ୍ଗ୍ ନେୟାଏ ।



୧ ଇସ୍‌ପର୍ ନ୍‌ସା ମୁଇଁଅରିଆ କାମ୍ ତିଙ୍ଗ୍‌ବଲା ନେନେ ଆପେକେ କୁସାମୁତି ତିଙ୍ଗ୍‌ନେତିଙ୍ଗ୍‌କେ ପେନେ ଜିବନ୍‌ନ୍ନିଆ ଇସ୍‌ପର୍‌ନେ ଲିବିସ

ସରାଃ ଆଡ଼ିଙ୍ଗପା ।

୨ ତାଗ୍ଲା ପରମେସର୍ ବାସଙ୍ଗତିଂକେ:

“ପେଇଂନେ ଆଡ଼ାଡ଼ା ଲିବିସ ତିଙ୍ଗନେ
ବେଲା ପାଙ୍ଗଲା

ନେଙ୍ଗ ପେଇଂନେ କୁସାମୁତି ଡ଼କେ

ଉଦାର୍ ବାନେ ଦିନ୍ନିଆ ପେନେ ସାଇଜ ଶ୍ରିଙ୍ଗକେ ।”

ଦ୍ରିଗ୍ପା ଏନ୍ ତିଙ୍ଗକେ ଇସ୍ପରନେ ଲିବିସ ବ୍ବାନେ ବେଲା । ଏକେ
ତିଙ୍ଗକେ ଉଦାର୍ ବାନେ ଦିନ୍ ।

୩ ତିରକମ୍ ନେଂନେ ସେବାପଦ୍ ନିନ୍ଦା ଆଡ଼ିଙ୍ଗ ଶୁ ଆଡେନ୍ସା ନେ
ମେଃଡିଗ୍ ବିସୟନ୍ନିଆ ବାଦା ଆଡ଼ିଙ୍ଗ ଶୁ

୪ ବାରି ନେନେ ସାପା ଅବସ୍ତାନ୍ନିଆ ନିଜେକେ ଇସ୍ପରନେ
ସେବାରେ ରକମ୍ ସ୍ନାମୁଆଁ ଆଃଡ଼ିଙ୍ଗନେଡ଼ିଙ୍ଗକେ । ଗୁଲୁଏ ତାଟ୍
ସାଇଜନ୍ନିଆ ନେନେ ସାପା ରକମ୍ କସ୍ ମ୍ଲା ଜାମ୍ଲା ବାରି ଦଦ୍ୟା
ସାମୁଆଁ ସାମ୍ବଲେ ନେଝେକେ;

୫ ✨ଆନେକେ ବଗ୍‌ବଆରକେ ଜେଲ୍ ତୁଆନ୍ନିଆ ବଆରକେ ।
ରେମୁଆଁ ନେନେ ବିରଦ୍‌ରେ ବାସଙ୍ଗବକେ । ନେ ଜାବର୍ କସ୍
ଡ଼ିଙ୍ଗନେବକେ, ନେ ଲେମୁଆଃ ଲେଃନେମ୍ୟାକେ ବାରି କେଡେସଃ
ଲେଃନେମ୍ୟାକେ ।

୬ ନେନେ ପବିତ୍ରତା ଗ୍ୟାନ୍ ତାଟ୍ ଲିବିସଃ କୁଟ୍‌ଶୁନେ ଆଲାଦ୍
ବାରି ସଡ଼ନେ କବର୍ ନ୍ୟା ପବିତ୍ର ଇସ୍ପରନେ ବପୁ ବାନ୍ ନେନେ
ଇସ୍ପରନେ ସେବାରେ ତାଗ୍‌ରେ ସ୍ନାମୁଆଁ ବିନେଡ଼ିଙ୍ଗ ।

୭ ସତୁଇଂନେ ବିରଦ୍‌ରେ ରିଙ୍ଗ୍ ନ୍ୟା ଦରମ୍ ନେନେ ମ୍ଲା ଅସ୍ତ୍ର ।

୮ ନେନେ ସନ୍‌ମାନ୍ ବାରି ଅପ୍‌ମାନ୍ ତିଙ୍ଗନେଲେଃକେ ନାଲେରେ
ବାରି ଲାଞ୍ଜୁଆ ତିଙ୍ଗନେଲେଃକେ । ଆନେକେ ମିଟ୍ ତାଗ୍‌ରେ ଅପ୍‌ମାନ୍
ବିଃବଆରକେ ଏଲେଡ଼ିଗ୍ ନେନେ ସଡ଼ ବାସଙ୍ଗ ନେବକେ ।

୯ । ନେନେ ସ୍ନାମୁଆଁ ତିଙ୍ଗ୍‌ବେଲା ତିଗ୍ ସ୍ନାମୁଆଁ ଶୁ ଆନେକେ ଗୁଏଗେ
ତାଗ୍‌ରେ ବାସଙ୍ଗ ଆର୍‌ଡ଼ିଂକେ ମାଡର୍ ନେନେ ଜିବନ୍ ନେଲେକେ ।
ଆନେକେ ଡ଼ଶ୍ଟ୍ ବିବ ଆରକେ ମାଡର୍ ବାଗୁଏଃଏ ଆବିଆରକେ ଶୁ ।

୧୦ ନେ ଜାବର୍ ଦୁକ୍ ଲେଖକେ ମାତର୍ ନେ କାଲାଆଃ ସାର୍ଦାରେ ନେଲେଃଏ । ନେ ଗରିବ୍ ମାତର୍ ଗୁଲେରେକେ ସାକାର୍ ନେରାଡିଙ୍ଗ୍ଏ । ନେ ମୋଃଡିଗ୍ ଶୁ ମାତର୍ ନେନେ ସାପା କିଚି ଲେଃକେ ।

୧୧ ଅ କରିନୁନେ ପ୍ରିଅ ତନା ବୟାଁଇଂ ନେନେ କୁଲାକୁଲି ମନ୍ରେ ଆପେକେ ସାପା ବାସଙ୍ଗନେବକେ । ନେନେ ଆପେକେ ମାଲେ ବଲ୍ ବା ନେଡିଙ୍ଗକେ ।

୧୨ ନେନେ ପେନେ ଆଡାଡା ନେନେ ଆଲାଦ୍ ବନ୍ଦ୍ ଆଡିଙ୍ଗ ନେବକେ ଶୁ । ମାତର୍ ପେଇଂ ନେନେ ଆଡାଡା ଆଲାଦ୍ ବନ୍ଦ୍ ଆଡିଙ୍ଗ ପେବକେ ।

୧୩ ଆପେକେ ନେଙ୍ଗନେ ଗଡେଅ ମନେ ଡିଙ୍ଗରେ ଏନ୍ ସାପା ବାସଙ୍ଗଣ୍ଡିଂ । ଦରକାର୍ ଦାନ୍ ବାଦୁଲ୍ ଦାନ୍ ରକମ୍ ପେଇଂ ଡିଗ୍ ନିଜର୍ ଗାଗଡେ ନେନେ ସା ସମାନ୍ ବାବ୍ରେ ରଃବନେ ଦରକାର୍ ।

ବିଜାତିଇଂନେ ବିସୟରେ ତରକ୍ ସାମୁଆଁ

୧୪ ଜାଣ୍ଟେଇଂ କ୍ରିଷ୍ଟନେ ତାଗ୍ରା ବିସ୍ବାସ୍ ଆଡିଙ୍ଗଆର୍ ଶୁ ମେଇଂ ଏତେ ସମାନ୍ ବାବ୍ରେ କାମ୍ ଡିଙ୍ଗ୍ ନସା ଚେସ୍ଟା ଆଡିଙ୍ଗପା । ଏନ୍ ଅଃନାଡିଗ୍ ଆଡିଙ୍ଗ୍ ଶୁ । ଦରମ୍ ବାରି ଅଦରମ୍ ମୁଇଂଅରିଆ ଆଲେଃ ଶୁ ? ତାରକିଗ୍ ବାରି ତାଙ୍ଗକିଗ୍ ଡିରକମ୍ ମୁଇଂଅରିଆ ଲେଃଏ ?

୧୫ କିସ୍ଟ ବାରି ସଏତାନ୍ ଡିରକମ୍ ମୁଇଂଅରିଆ ଡିଙ୍ଗ୍ଏ ? ବିସ୍ବାସି ଏତେ ଅବିସ୍ବାସି ଆଣ୍ଡିନେ ବିସୟରେ ମୁଇଂଅରିଆ ଡିଙ୍ଗ୍ଆର୍ଏ ?

୧୬ ☆ ଇସ୍ପରନେ ମନ୍ଦିରନ୍ଦିଆ ଡିରକମ୍ ମୁତ୍ ତିଆର୍ ଡିଙ୍ଗ୍ଏ ? ନେ ଜିବନ୍ ଇସ୍ପରନେ ମନ୍ଦିର ତାଗ୍ଲା ଇସ୍ପର ନିଜେ ବାସଙ୍ଗବକେ “ନେଙ୍ଗନେ ରେମୁଆଁଇଂ ଏତେ ନେଙ୍ଗ୍ ବାସା ନ୍ଲେଃଏ

ବାରି ମେଁଇଂନେ ବିଡ୍ରେ ନ୍ଲେଃଏ;

ନେଙ୍ଗ୍ ମେଁଇଂନେ ଇସ୍ପର ଶ୍ରିଙ୍ଗ୍ଏ

ବାରି ମେଇଂ ନେଙ୍ଗନେ ନିଜର୍ ରେମୁଆଁ ଡିଙ୍ଗ୍ଏ ।”

୧୭ ତେସା ମାପୁ ବାସଙ୍ଗଡିଂକେ

“ମେଁଇଂନେ ବିଡ୍ରେବାନ୍ ପେ ତାର୍ଚେ ପାଙ୍ଗ୍ଲାପା

ମେଇଂନେବାନ୍ ନିଜେକେ ବିନେ ଆଡିଙ୍ଗପା ।

ଦରକାର୍ ଶୁନେ ବିସୟ୍ ଏତେ ସମ୍ପର୍କ ଆବଗେପା

☆ ୬:୧୭ ୧ କରିନତିୟ ୩:୧୬; ୬:୧୯.

ତେଲା ନେଙ୍ଗ ଆପେକେ ଗ୍ରଥନ୍ ଶ୍ରିଙ୍ଗ୍
 ୧୮ ନେଙ୍ଗ ପେଇଂନେ ଆବା ଶ୍ରିଙ୍ଗ୍
 ବାରି ପେଇଂ ପେଡ଼ିଙ୍ଗ୍ ନେଙ୍ଗନେ ଗଡ଼େଇଂ
 ସାପାରୁ ବପୁନେ ମାପରୁ ଏନ୍ ସାମୁଆଁ ବାସଙ୍ଗ୍ ।”



୧ ଅ ବୟାଁ ଆରି ତନାଇଂ, ଏନ୍ ସାପା ପାରମାନ୍ ନେ ଇସ୍ପରନେ
 ବାନ୍ ବାନେଲେଃକେ । ତେସା ପାଙ୍ଗ୍ଲାପା ଗାଗ୍ଡେ ବାରି ଆମ୍ବାକେ
 ଦଦ୍ୟା ତିଙ୍ଗମ୍ୟାକ୍ସେ ସାପା ବିସୟ୍‌ବାନ୍ ନିଜେ ନିଜେକେ ପରତଲ୍
 ନେଡ଼ିଙ୍ଗ୍ପା । ବାରି ଇସ୍ପରକେ ବୁଟତେ ସମାନ୍ ପବିତ୍ର ରକମ୍ ବାସା
 ନେଃଲେପା ।

ପାଉଲ୍‌ନେ ମ୍ଲେଡ଼ିଆ

୨ ପେଇଂନେ ଗାଗ୍ଡେନ୍ନିଆ ଆନେକେ ଜାଗା ବିଃପା । ନେନେ
 ଜାଣ୍ଡେନେ ଆଡ଼ାଡ଼ା ଅନ୍ୟାୟ୍ ନେଡ଼ିଙ୍ଗ୍‌କେ ଶୁ ଜାଣ୍ଡେନେ ମେଃଡ଼ିଗ୍
 ନସ୍ ନେଡ଼ିଙ୍ଗ୍‌କେ ଶୁ ଶୁଲା ଜାଣ୍ଡେନେବାନ୍ ମେଃଡ଼ିଗ୍ ପାଇଦା
 ଉଟେନ୍‌ସା ତେସ୍‌ଟା ନେଡ଼ିଙ୍ଗ୍‌କେ ଶୁ ।

୩ ଆପେକେ ଦସ୍ ବିନ୍‌ସା ନେଙ୍ଗ୍ ଏନ୍ ସାମୁଆଁ ବାସଙ୍ଗ୍ ନାଡ଼ିଙ୍ଗ୍‌କେ
 ଶୁ । ନେଙ୍ଗ୍ ସେନ୍‌ଗ୍ ବାସଙ୍ଗ୍‌ମ୍‌କେ, ପେଇଂ ନେନେ ଅଃକେନ୍
 ଇକ୍‌ଟା ଜେ ନେଃ ନେଃମ୍‌ଲା ମୁଇଂଅରିଆ ନେଃମ୍‌ପା ବାରି ଗୁଏଃଃଲା
 ମୁଇଂଅରିଆ ନେଃଗୁଏଃପା ।

୪ ପେଇଂନେ ଆଡ଼ାଡ଼ା ନେଙ୍ଗ୍‌ନେ ମାଲେ ବିସ୍‌ବାସ୍ ଲେଃକେ ।
 ପେଇଂନେ ସା ନେଙ୍ଗ୍‌ନେ ଗରବ୍ ତିଗ୍ ଜାବର୍ । ଦୁକ୍ କସ୍ ବେଲା
 ନେଙ୍ଗ୍ ଗୁଲ୍‌ଏ ସାହାସ୍ ଆଃସୁଏମ୍‌କେ । ସାଦାରେ ଲାଡ଼୍ୟା ଝେଣ୍ଡିଙ୍ଗ୍ ।

୫ ଧେକ୍‌ରକମ୍ କି ମାସିଦୋନିଆନିଆ ଝେଟାତେ ତିଗ୍
 ନେପୁଣ୍ଡେକେ ଶୁ । ସାପା ଡାଗ୍ରା ସାନ୍ତି ଶୁ ବାରି ବିତ୍‌ରେ ବୁଟମେଗ୍,
 ଡେକ୍‌ରକମ୍ ସାପା ରକମ୍ କଲ୍‌କଲା ଲାଗେ ଲେଃଗେ, ତେସା
 ନେନେ ଗାଗ୍ଡେନ୍ନିଆ ସାନ୍ତି ଆଲେଃଗେ ଶୁ ।

୬ ମାତର୍ ଗାଡ଼ସୁ ରେମୁଆଁକେ ସାନ୍ତି ବିମ୍ୟାକ୍ସେ ଇସ୍ପର୍ ତିତସ୍‌କେ
 ବେତେ ଆନେକେ ସାନ୍ତି ବିବକେ ।

☆ ୭:୫ ୨ କରିନ୍ତସ୍ ୨:୧୩.

୭ ମାତରୁ ମୈନେ ପାଙ୍ଗନେ ବାନ୍ ଶୁ ମାତରୁ ମୈ ପେଇଁନେ ଡାଗ୍ରା ଝେରେ ଆଣ୍ଡିନେ ସାନ୍ତି ବାଲେଃକେ ଆଡ଼ବାନ୍ ନେନେ ସାର୍ଦା ଡିଙ୍ଗନେଲେଃକେ । ଆନେଙ୍ଗ କେନ୍ସା ପେଇଁନେ ଉଡ଼ି ଇକ୍ତା ନେଙ୍ଗ ନ୍ସା ପେନେ ଉଡ଼ି ଦୁକ୍ ଆନେଙ୍ଗ ସାପର୍ ଡିଙ୍ଗନ୍ସା ପେ ଉଡ଼ି ତେରେପେତେ ଏନ୍ ସାପା ବିସୟ୍ ମୈ ଆନେଙ୍ଗ ଆମ୍ୟାବକେ । ଇଡ଼ିଙ୍ଗ ନେଙ୍ଗ ଜାବର୍ ସାର୍ଦା ଶ୍ରିଙ୍ଗକେ ।

୮ ନେଙ୍ଗନେ ଚିଚି ପଡ଼େରେ ପେଇଁ ଦୁକ୍ ଡିଙ୍ଗପେଲେଃଲା ଡିଗ୍ ଆତେନ୍ ଉଲିଆଃ ଗୁଆର୍ ବଲା ନେଙ୍ଗ ମନ୍ନିଆ ମେଃଡିଗ୍ ଦୁକ୍ ଶୁ । ଉଲିଆଃ ଆପେକେ ପ୍ରେଗ୍ ନ୍ସା ଦୁକ୍ ଡିଗ୍ ବଲା ନେଙ୍ଗ ଦୁକ୍ ମାଡିଙ୍ଗ ।

୯ ମାତରୁ ପେନେ ମନ୍ନିଆ ଦୁକ୍ ବିବଲା ଶୁ ମାତରୁ ଏନ୍ ଦୁକ୍ ପେଇଁନେ ଜିବନ୍ନେ ମନ୍ ବଲ୍ଲେ ବିବଲା ଏବେ ନେଙ୍ଗ ସାର୍ଦା ଡିଙ୍ଗ୍ଣିଂକେ । ଇସପର୍ନେ ଇକ୍ତା ରକମ୍ ପେଇଁ ଏନ୍ ଦୁକ୍ ବାପେଲେକେ । ତେସା ନେନେ ବାନ୍ ପେଇଁ ମେଃଡିଗ୍ ରକମ୍ ନ୍ସା ପେଡିଙ୍ଗକେ ଶୁ ।

୧୦ ଡାଗ୍ରା ଇସପର୍ନେ ଇକ୍ତା ଅନୁସାରେ ଆଣ୍ଡିନେ ଦୁକ୍ ବାନ୍ ଉଦାରୁ ପେବାକେ ବାରି ମନ୍ ବଲ୍ଲେ ପେଡିଙ୍ଗକେ ଆତେନ୍ସା ଦୁକ୍ ଡିଙ୍ଗନେ ଦରକାରୁ ଶୁ । ମାତରୁ ସଂସାର୍ନେ ଦୁକ୍ ଗୁଏନେ ଡୁଙ୍ଗପାଙ୍ଗ୍ ।

୧୧ କେଲାପା, ଇସପର୍ନେ ଇକ୍ତା ଅନୁସାରେ ପେଇଁ ଆଣ୍ଡିନେ ଦୁକ୍ ପେବାକେ ଆତେନ୍ ପେଇଁନେ ମନ୍ନିଆ ଉଡ଼ି ଇକ୍ତା ଉଡ଼ି ବୁଟ ଉଡ଼ି ସାର୍ଦା ନେନେ ଏତେ ମିସେନ୍ସା ପେଇଁନେ ବିତ୍ରେ ଇକ୍ତା ଜାଗ୍ରଡ଼ ଡିଙ୍ଗ ବକେ । ଏନ୍ ଆପେକେ ଜାବର୍ ଅପେଃ ଡିଂକେ । ଏନ୍ ଆପେକେ ନ୍ୟାୟ୍ ବିବକେ । ପେଇଁ ସାପା ସାମୁଆଁକେ ପର୍ମାନ୍ ଡିଙ୍ଗ ବିପେବକେ ଜେ ପେଇଁ ଆତେନ୍ ଜାମ୍ଲାନେ ମେଃଡିଗ୍ ଇଃକୁଡ଼ା ନ୍ସା ଡିଗ୍ ଦସ୍ ଶୁ ଡ୍ରାଗ୍ରେ ପାର୍ମାନ୍ ବିଃପେବକେ ।

୧୨ ପେଇଁନେ ବିତ୍ରେ ଜା ଅନ୍ୟାୟ୍ ଡିଙ୍ଗବକେ ବା ଜା ଅନ୍ୟାୟ୍ ସାମ୍ବଲେକେ ମୈନେ ଉଦେସ୍ରେ ନେଙ୍ଗ ଆତେନ୍ ଚିଚି ଗୁଆର୍ ନାବକେ ଶୁ । ବାରି ଇସପର୍ନେ ମୁଆଃନ୍ନିଆ ନେନେ ଆଡ଼ାଡ୍ରା ପେନେ ବକ୍ତି ଉଡ଼ି ସ୍ତ୍ରୀ ବାରି ।

୧୩ ଆତେନ୍‌ସା ନେନେ ଉଡ଼ି ସାର୍ଦ୍ଦା ଆତେନ୍ ଆମ୍ୟାବିନ୍‌ସା ନେଙ୍ଗ୍ ଆତେନ୍ ଚିଟି ଗୁଆରମ୍‌କ୍ଲେ ମାତର୍ ସାର୍ଦ୍ଦା ନେଡ଼ିଙ୍ଗ୍‌କେ ଶୁ । ପେଇଂ ତିତସ୍‌କେ ସାପା ରକମ୍ ସାଇଜ ତିଙ୍ଗ୍‌ଚେ ତିରକମ୍ ବାବ୍‌ରେ ସାର୍ଦ୍ଦା ତିଙ୍ଗ୍‌ପେବକେ ଆତେନ୍ ଆନେକେ ଜାବର୍ ସାର୍ଦ୍ଦା ବିବକେ ।

୧୪ ମେଁନେ ତାଗ୍ରା ପେଇଂନେ ସା ନେଙ୍ଗ୍ ବଡ଼୍‌ପନ୍ ତିଙ୍ଗ୍‌ମ୍‌କେ । ବାରି ଆତେନ୍‌ସା ନେଙ୍ଗ୍ ବାଆଃ ଆଲ ତିଙ୍ଗ୍ ଆଞ୍ଜେକେ ଶୁ । ତିରକମ୍ ପେଇଂନେ ତାଗ୍ରା ନେନେ କାଲାଆଃ ସଡ଼ ବାସଙ୍ଗ୍ ପାଙ୍ଗ୍‌ନେଡ଼ିଙ୍ଗ୍‌କେ ଦେଡ଼ରକମ୍ ତିତସ୍‌ନେ ତାଗ୍ରା ନେନେ ତିଙ୍ଗ୍ ନେବକ୍ଲେ ବଡ଼୍‌ପନ୍ ମିର୍ ତାଗ୍‌ଚେ ପର୍‌ମାନ୍ ଆଡ଼ିଙ୍ଗ୍‌କେ ଶୁ ।

୧୫ ପେଇଂ ସାପାରେ ତିରକମ୍ ବାବ୍‌ରେ ମେଁନେ ବାଦ୍ୟ ତିଙ୍ଗ୍‌ପେଲେକେ ବାରି ବୁଟ ବାରି ଜୁର୍‌ଚେ ଗାଗ୍‌ଡେନ୍‌ନିଆ ଆମେକେ ଗ୍ରାଅନ୍ ତିଙ୍ଗ୍‌ପେବକେ ଏନ୍ ସାମୁଆଁ ଏତେଚେ ପେଇଂନେ ଆଡ଼ାତ୍ରା ମେଁନେ ଆଲାଦ୍ ବାରି ମ୍ଲା ଝେଗେ ।

୧୬ ପେଇଂନେ ଆଡ଼ାତ୍ରା ଆସା ବନେ ଯାଲା ନେଙ୍ଗ୍ ଉଡ଼ି ସାର୍ଦ୍ଦା ।

୮

କ୍ରିଷ୍ଟାନ୍‌ଇଂନେ ଦାନ୍

୧ ✽ବୟାଁ ବାରି ତନାଇଂ ମାସିଦୋନିଆନେ ମଣ୍ଡଲିଇଂ ତିରକମ୍ ଇସ୍‌ପରନେ ଲିବିସ ଲାବ୍ ତିଙ୍ଗ୍‌ବକେ ଆତେନ୍ ଆପେକେ ଆମ୍ୟାନ୍‌ସା ଇକ୍‌ଚା ତିଙ୍ଗ୍‌ଶ୍ରିଂକେ ।

୨ ମେଇଂ ମ୍ଲା କସ୍ ରକମ୍ ପରିକ୍ୟା ତିଙ୍ଗ୍‌ଆକେଁ ବାରି ମେଇଂ ଜାବର୍ ଗରିବ୍ ତିଙ୍ଗ୍‌ଲା ତିଗ୍ ଜାବର୍ ସାର୍ଦ୍ଦା ବାବ୍‌ରେ ଗୁଲୁଏ ଦାନ୍ ତିଙ୍ଗ୍‌ବଆରକେ ।

୩ ନେଙ୍ଗ୍ ସଡ଼ ବାବ୍‌ରେ ବାସଙ୍ଗ୍‌ଶ୍ରିଂ ଜେ ମେଁଇଂନେ ବପୁ ରକମ୍ ମେଇଂ ଇକ୍‌ଚାରେ ନିଜର୍ ବପୁନେ ଅନୁସାରେ ଦେକ୍‌ରକମ୍ କି ଜାବର୍ ବାବ୍‌ରେ ମେଇଂ ଦାନ୍ ତିଙ୍ଗ୍‌ଆକେଁ ।

୪ ଜିଉଦାନ୍‌ନିଆ ଲେଃକ୍ଲେ ଇସ୍‌ପରନେ ରେମୁଆଁଇଂକେ ସାଇଜ ତିଙ୍ଗ୍‌ନେସା ଆମେଇଂକେ ସୁଜଗ୍ ବିଃପା ତାଗ୍‌ଚେ ମେଇଂ ଆନେକେ କୁସାମୁତି ତିଙ୍ଗ୍‌ବଆରକେ ।

✽ ୮:୧ ରମିୟ ୧୫:୨୭.

୫ ମେଈନେବାନ୍ ନେନେ ଅଃକେନ୍ ଆସା ତିଙ୍ଗ୍ନେ ବକେ । ସେନ୍ନୁଗ୍ ମେଈନ୍ ନିଜେ ନିଜେକେ ମାପୁନେ ଡାଗ୍ରା ଦାନ୍ ତିଙ୍ଗ୍ବଆରକେ ବାରି ଇଡ଼ିଙ୍ଗ୍ ଇସପରନେ ଇକ୍ତା ଅନୁସାରେ ନିଜେ ନିଜେକେ ନେଁଇଁନେ ବିସୟରେ ଦାନ୍ ତିଙ୍ଗ୍ଆକେ ।

୬ ତିତସ୍ନେ ସାଇଜନ୍ନିଆ ଏନ୍ କାମ୍ ଆରାମ୍ ତିଙ୍ଗ୍ଲେକେ । ଏନ୍କେ ଚାଲେ ଲେଃନ୍ସା ବାରି ଏନ୍ ଆଲାଦ୍ନେ ଜତନ୍ ସ୍ନେନିଆ ଆପେକେ ସାଇଜ ତିଙ୍ଗ୍ ନସା ତିତସ୍ନେ କୁସାମୁତି ତିଙ୍ଗ୍ନେବକେ ।

୭ ପେଇଁ ସାପା ବିସୟନ୍ନିଆ ସାକାର୍ ତିଙ୍ଗ୍ପେଲେକେ ବିସବାସ୍ ସାମୁଆଁ ବାସଙ୍ଗ୍ନେ ରେମୁଆଁ ବାରି ପେଇଁନେ ଆଡ଼ାଡ଼ା ନେଁଇଁନେ ଆଲାଦ୍ ଅଦିକାର୍ ଦେକ୍ତରକମ୍ ସାପା ବିସୟ୍ ତିରକମ୍ ପେଇଁନେ ଡାଗ୍ରା ଜାବର ବାବରେ ନାଡ଼ିକେ ଦେତ୍ତରକମ୍ ଏନ୍ ଲିବିସ୍ କାମ୍ ତିଗ୍ ପେଇଁନେ ଡାଗ୍ରା ଜାବର ବାବରେ ନାଲେ ।

୮ ନେଙ୍ଗ୍ ଆଦେସ୍ ବିଃକେ ରକମ୍ ବାସଙ୍ଗ୍ ନାଡ଼ିଙ୍ଗ୍କେ ଶୁ । ମାତର୍ ସେବା ସ୍ନେନିଆ ବିନ୍ଶ୍ରେଇଁନେ ଇକ୍ତାଚାନେ ଉପଦେସ୍ ବିଚେ ପେନେ ଆଲାଦ୍ନେ ସତ୍ ମ୍ୟାନ୍ସା ନେଙ୍ଗ୍ ଚେସ୍ଟା ତିଙ୍ଗ୍ଶ୍ରେକେ ।

୯ ପେଇଁ ମାପୁ ଜିସୁ କିସ୍ତନେ ଲିବିସ୍ ବିସୟ୍ରେ ମ୍ୟାପେଲେକେ । ମେଁସାଉକାର୍ ତିଙ୍ଗ୍ରେ ତିଗ୍ ପେଇଁନେ ସା ଗରିବ୍ ତିଙ୍ଗ୍କେ । ମେଁନେ ଗରିବ୍ ବାନ୍ ପେଇଁ ସାଉକାର୍ ତିଙ୍ଗ୍ପା ।

୧୦ ଏନ୍ ବିସୟ୍ରେ ଆପେକେ ନେଙ୍ଗ୍ନେ ଏନ୍ ଆଦେସ୍ ଝେକ୍ଟେ ମୁଆଁ ପେଇଁ ମେଃମେଃନେ ଆରାମ୍ ତିଙ୍ଗ୍ପେବକେ ଆତେନ୍ ଏକ୍ଟେ ଆଡ଼ାନେ ପେଇଁନେ ଦର୍କାର୍ । ମାତର୍ କାମ୍ ତିଙ୍ଗ୍ନେ ଶୁ ମାତର୍ କାମ୍ ତିଙ୍ଗ୍ନେ ଇକ୍ତା ତିଙ୍ଗ୍ରେ ତିଙ୍ଗ୍ନେ ପେଇଁ ତିଙ୍ଗ୍ପେତିଙ୍ଗ୍କେ ସେନ୍ନୁଗ୍ ।

୧୧ ଆଣ୍ଡିନେ କାମ୍କେ ପେଇଁ ଆରାମ୍ ତିଙ୍ଗ୍ ପେବକେ ଆମେକେ ଆଃଡ଼ାପା । ତେଲା ପେଇଁନେ କାମ୍ ତିଙ୍ଗ୍ନେ ବାରି ପେଇଁନେ ଇକ୍ତା ତିଙ୍ଗ୍ନେ ଏତେ ସମାନ୍ ତିଙ୍ଗ୍ଏ । ପେଇଁ ଡାଗ୍ରା ମେଃମେଃନେ ଲେଃକେ ଆଡ଼ବାନ୍ ଦାନ୍ ତିଙ୍ଗ୍ପା ।

୧୨ ଜଦି ପେଇଁନେ ଦାନ୍ ବିଃନେ ଇକ୍ତା ଲେଃକେ ତେଲା ପେଇଁନେ ଦାନ୍ ଗୁଅନ୍ ତିଙ୍ଗ୍ଏ । ପେଇଁନେ ଡାଗ୍ରା ମେଁନେ ଲେଃକେ ଆତେନ୍ ଅନୁସାରେ ପେଇଁନେ ଦାନ୍ ଗୁଅନ୍ ତିଙ୍ଗ୍ଆରଏ; ପେଇଁନେ ଡାଗ୍ରା ମେଃମେଃନେ ଶୁ ଆତେନ୍ ରକମ୍ ଶୁ ।

୧୩ ପେଇଁନେ ଆଡ଼ାଡ଼ା ଏନ୍ ଲିଗିଙ୍ଗକେ ଆନିଗ୍‌ବିଚେ ବିନ୍‌ଶ୍ରେକେ ଆମ୍ଲେଡ଼ିଆ ନ୍‌ସା ନେଙ୍ଗ ଚାଏଁନାଡ଼ିଙ୍ଗକେ ଶୁ ।

୧୪ ମାତର୍ ଏବେ ପେଇଁନେ ଜାବର୍ ଲେଃଲା ଅବାବ୍‌ନ୍ନିଆ ଲେଃକେ ରେମୁଆଁଙ୍କକେ ସାଇଜ ଡ଼ିଙ୍ଗନେ ପେଇଁନେ କାମ୍ । ବେଲା ପାଙ୍ଗ୍‌ଏ ପେଇଁ ଅବାବ୍‌ନ୍ନିଆ ଲେଃକାଲା ମେଁଇଁନେ ଜାବର୍ ଡ଼ିଙ୍ଗଲା ପେଇଁନେ ଅବାବ୍‌ ବତ୍ ଆଡ଼ିଙ୍ଗ ନ୍‌ସା ସାଇଜ ଡ଼ିଙ୍ଗ୍ । ଦେକ୍‌ରକମ୍ ବାବ୍‌ରେ ପେଇଁନେ ବିତ୍ରେ ସମାନ୍ ରକ୍ୟା ଡ଼ିଙ୍ଗ୍ ପେୟାଏ ।

୧୫ ଦର୍ମ ସାସ୍ତ୍ରରନ୍ନିଆ ଗୁଆର୍ ବକେ; “ଜାଣ୍ଡେ ଜାବର୍ ରାଃସିଙ୍ଗକେ ମେଁନେ ମେଃଡ଼ିଗ୍ ଆଲୁଆଁକେ ଶୁ । ଜାଣ୍ଡେ ଇକ୍‌ଡ଼ା ରାଃସିଙ୍ଗକେ ମେଁନେ ଅବାବ୍ ଆଡ଼ିଙ୍ଗ ଶୁ ।”

ଡିତସ୍ ବାରି ମେଁନେ ରେମୁଆଁଶ୍ରେଇଁ

୧୬ ଇସ୍‌ପରନେ ଦନ୍‌ଏବାଦ୍ ଡ଼ିଙ୍ଗ୍‌ଲେଃ । ଡ଼ାଗ୍ଲା ନେଁଇଁନେ ରକମ୍ ଡିତସ୍ ଡିଗ୍ ଆପେକେ ସାଇଜ ଡ଼ିଙ୍ଗ୍ ନ୍‌ସା ଇକ୍‌ଚା ଲେଃକେ ।

୧୭ ମେଁ ମାତର୍ ନେନେ ଗୁଆରିକେ ଗ୍ରଥନ୍ ଡ଼ିଙ୍ଗକେ, ଆଡେନ୍ ଶୁ ମାତର୍ ଆପେକେ ସାଇଜ ଡ଼ିଙ୍ଗ୍ ନ୍‌ସା ଅଃକେନ୍ ଇକ୍‌ଚା ଡ଼ିଙ୍ଗ୍ ଲେଃକେ ଜେ ନିଜର୍ ଇକ୍‌ଚାନ୍ନିଆ ପେଇଁନେ ଡ଼ାଗ୍ରା ଖେ ନ୍‌ସା ମେଁ ମନ୍ ଡ଼ିଙ୍ଗ୍‌ବକେ ।

୧୮ ମେଁନେ ଏଡେ ବାରି ମୁଇଁଜା ବୟାକେ ନେନେ ବେନେବକେ । ନିମାଣ୍ଡା ଖାଲିର୍ ବାସଙ୍ଗ୍ ଅଲେଙ୍ଗ୍‌ନେ ସାପା ମଣ୍ଡୁଲିନ୍ନିଆ ବେପ୍ରେ ଖେଲେଃକେ ।

୧୯ ମାତର୍ ଅଃଡେନ୍ ଶୁ ମାପୁନେ ମଇମା ବାରି ନେଁଇଁନେ ସେବାବାନ୍ ସାରଲନେ ଇକ୍‌ଚା ଡ଼ିଙ୍ଗ୍ ନ୍‌ସା ମୁଡ଼ିନେ ରାଃସିଙ୍ଗକେ ଦାନ୍ ଡୁଙ୍ଗ୍‌ଖେନେ କାମ୍ ନେନେ ଗ୍ରଥନ୍ ଡ଼ିଙ୍ଗ୍‌ନେଡ଼ିକେ, ଆଡ଼ଅରିଆ ନେନେ ଏଡେ ମିସୁଖେନେ ନ୍‌ସା ବିନ୍‌ବିନ୍ ମଣ୍ଡୁଲି ଆମେକେ ସ୍ତ୍ରୀ ବକେ ।

୨୦ ଉଦାର୍ ବାବ୍‌ରେ ବିଃବକ୍‌ଏନ୍ ସେବା ରକମ୍ ଜାବର୍ ଦାନ୍‌କେ ତରକ୍ ଏଃଡେ ନେ ବାଃଲିର୍‌ବାଃଡ଼ା ଡ଼ିଙ୍ଗ୍‌ନେଡ଼ିକେ, ଡିରକମ୍ ନେନେ ଆଡ଼ାଡ଼ା ଜାଣ୍ଡେ ଦସ୍ ଡ଼ିଙ୍ଗ୍ ଆୟା ଶୁ ।

୨୧ ଡ଼ାଗ୍ଲା ମାତର୍ ମାପୁନେ ସାମ୍‌ନାନ୍ନିଆ ଶୁ । ମାତର୍ ରେମୁଆଁ ସାମ୍‌ନାନ୍ନିଆ ଡ଼ିଗ୍ ସଡ଼ ଲେଃନେ ନେନେ ଇକ୍‌ଚା ।

୨୨ ତେସା ମେଁଇଂନେ ଏତେ ଏନ୍ ବୟାଁକେ ନେନେ ବେନେବକେ । ଆମେକେ ଜାବର୍ ତର୍ ପରିକ୍ୟା ତିଙ୍ଗ୍‌ତେ ମେଁନେ ବିସ୍‌ବାସ୍‌ନେ ପରିଚୟ୍ ବାନେଲେଃକେ । ପେଇଂନେ ଆଡ଼ାଡ଼ା ମେଁନେ ଡାବ୍ ବିସ୍‌ବାସ୍‌ ଲେଃଲ୍ଲା ମେଁ ଆପେକେ ସାଇଜ ତିଙ୍ଗ୍ ନସା ଜାବର୍ ଇକ୍‌ତା ତିଙ୍ଗ୍‌ଲେକେ ।

୨୩ ତିତସ୍‌ନେ ବିସ୍‌ୟରେ ଏନ୍ ମାସଙ୍ଗ୍‌ଏ ଜେ, ମେଁ ନେଙ୍ଗ୍ ଏତେ କୁଡ଼େତେ ସ୍ଲେରେ । ବାରି ମେଁ ନେଙ୍ଗ୍ ଏତେ କାମ୍ ତିଙ୍ଗ୍‌ତେ ଆପେକେ ସାଇଜ ତିଙ୍ଗ୍‌କେ । ବିନ୍ ବୟାଁଇଂନେ ବିସ୍‌ୟରେ ଏନ୍ ବାସଙ୍ଗ୍‌ଏ ଜେ ମେଇଂ ବିନ୍‌ବିନ୍ ମଣ୍ଡୁଲିଇଂବାନ୍ ବେବଆରକେ ବାରି କିସ୍‌ଟନେ ନସା ମଇମା ରକମ୍ ।

୨୪ ଏଲେଡିଗ୍ ଆମେଇଂକେ ପେଇଂନେ ଆଲାଦ୍ ଆଃସୁଏପା । ତେଲା ସାପା ମଣ୍ଡୁଲି ଏନ୍ ବିସ୍‌ୟରେ ସଡ଼୍ ମାନେଆରଏ ବାରି ପେଇଂ ନସା ନେନେ ତିଙ୍ଗ୍‌ମ୍ୟାକ୍ଲେ ଗରବ୍ ଜାବର୍ ଡାଗ୍‌ତେ ପାରମାନ୍ ତିଙ୍ଗ୍‌ୟାଆରଏ ।



ବିନ୍ ମଣ୍ଡୁଲିନେ କ୍ରିସ୍‌ତୁଆନ୍‌ଇଂ ନସା ସାଇଜ

୧ ଜିଉଦାନ୍ନିଆ ଲେଃକ୍ଲେ ଇସ୍‌ପରନେ ରେମୁଆଁଇଂନେ ଡାଗ୍ରା ସାଇଜ ବେନ୍‌ସା ଆପେକେ ଗୁଆରନେ ମେଃଡିଗ୍ ଦର୍‌କାର୍ ଶୁ ।

୨ ନେଙ୍ଗ୍ ମ୍ୟାକ୍ଲେକେ ପେଇଂ ସାପାବେଲା ସାଇଜ ତିଙ୍ଗ୍‌ନସା ତିଆର୍ ପେଲେକେ । ବାରି ମାସିଦୋନିଆନେ ରେମୁଆଁଇଂନେ ଡାଗ୍ରା ପେଇଂନେ କୁଡ଼େଃମାଡ଼େଃନ୍ନିଆ ନେଙ୍ଗ୍ ଗରବ୍ ତିଙ୍ଗ୍‌ଣିଂକେ । ନେଙ୍ଗ୍ ବାସଙ୍ଗ୍‌ମ୍‌କେ “ଆଖାୟାନେ ବୟାଁଇଂ ସାଇଜ ତିଙ୍ଗ୍ ନସା ଝେକ୍ଲେ ମୁଆଃବାନ୍ ତିଆର୍ ତିଙ୍ଗ୍ ଲେଃଆରକେ ।” ପେଇଂନେ ତିଆର୍ ମେଁଇଂନେ ବିତ୍ରେ ଉଃଡ଼ିରୁଆକେ ତରକ୍ ଆଡିଙ୍ଗ୍‌ବକେ ।

୩ ଏବେ ନେଙ୍ଗ୍ ଏନ୍ ବୟାଁଇଂକେ ପେଇଂନେ ଡାଗ୍ରା ବେଣ୍ଡିଂ । କେଲାପା ଏନ୍ ବେଲା ତିରକମ୍ ପେଇଂନେ ସମ୍‌କର୍‌ନ୍ନିଆ ନେନେ ବଡ଼୍‌ପନ୍ ବେକାର୍ ଆଡିଙ୍ଗ୍ ଶୁ । ନେଙ୍ଗ୍ ବାସଙ୍ଗ୍‌ନେ ରକମ୍ ପେଇଂ ଦାନ୍ ଏତେ ତିଆର୍ ତିଙ୍ଗ୍ ଲାଲାପା ।

୪ ମାସିଦୋନିଆନେ ରେମୁଆଁଇଂ ନେଙ୍ଗ୍ ସଙ୍ଗେ ଝେରେ ଜଦି ଆପେକେ ତିଆର୍ ଆଡିଙ୍ଗ୍‌ନେ କେଆରଏ; ତେଲା ପେଇଂନେ ଆଡ଼ାଡ଼ା

ଡାଟ୍ ବିସ୍‌ବାସ୍ ଲେଖକେ ସା ନେନେ ଗିଆସ ନେଡ଼ିଙ୍ଗ୍‌ସ୍ ସତ୍‌ରେ ବାସଙ୍ଗ୍ ଝେଲା ଆତେନ୍ ପେଇଁନେ ଆଡ଼ାଡ଼ା ଡିଗ୍ ଗିଆସମାଲା ଡିଙ୍ଗ୍‌ସ୍ ।

୫ ପେ ଅଃସେ ପାରମାନ୍ ଡିଙ୍ଗ୍‌କ୍ଲେ ଦାନ୍ ରାସିଙ୍ଗ୍ ଡିଙ୍ଗ୍‌ନେ ସା ଏନ୍ ବୟାଁଇଁକେ ନେଙ୍ଗ୍ ଝେନେ ସେନ୍‌ଗ୍ ପେଇଁନେ ଡାଗ୍ରା ଝେ ନ୍‌ସା ମ୍ବାସଙ୍ଗ୍‌ସ୍ । ତେଲା ନେଙ୍ଗ୍ ପେଇଁନେ ଡାଗ୍ରା ଝେଚାନେ ବେଲା ଏନ୍ ଦାନ୍ ରାସିଙ୍ଗ୍‌ଚେ ବଆରୁଏ । ଏନ୍ ବାନ୍ ପେଇଁ ଜବଡ଼ଜସ୍ତ୍ରି ବାବ୍‌ରେ ମାବିଚେ ନିଜର୍ ଇକ୍‌ଚା ଡିଙ୍ଗ୍‌ଚେ ବିପେଡ଼ିଙ୍ଗ୍‌କେ ଡାଗ୍‌ଚେ ନ୍‌ଲେ ।

୬ ମନେ ବପା ମୁଡ଼ି ରେମୁଆଁ ଇକୁଡ଼ା ବୁ ବିଗ୍‌ସ୍ ମେଁ ଇକୁଡ଼ା ଝେଏ; ଜାଣ୍ଡେ ରେମୁଆଁ ଜାବର୍ ବୁ ବିଗ୍‌ସ୍ ମେଁ ମାଲେ ଝେଏ ।

୭ ସାପା ରେମୁଆଁ ନିଜର୍ ମନ୍‌ନ୍ନିଆ ମେଃମେଃନେ ବାବେ ବଆରକେ, ଆତେନ୍ ରକମ୍ ଦାନ୍ ଡିଙ୍ଗ୍ ଆରଲେ ମନ୍‌ନ୍ନିଆ ମେଃଡିଗ୍ ଦୁକ୍ ବଚେ ଜବଡ଼ଜସ୍ତ୍ରି ବାବ୍‌ରେ ଦାନ୍ ଆଡ଼ିଙ୍ଗ୍‌ଲେଃ ସାଦା ମନ୍‌ନ୍ନିଆ ଦାନ୍ ଡିଙ୍ଗ୍‌ବକ୍ଲେ ରେମୁଆଁକେ ପର୍‌ମେସର୍ ବଲ୍ ବାଏ ।

୮ ସାପା ରକମ୍ ଦାନ୍‌ନ୍ନିଆ ଆପେକେ ମ୍ବା ଡିଙ୍ଗ୍ ନ୍‌ସା ଇସପର୍ ଇକ୍‌ଚା; ଇଡ଼ିଙ୍ଗ୍ ପେଇଁ କାଲାଆଃ ଜାବର୍‌ନେ ବିଡ୍ରେ ବାସା ପେୟାଏ ବାରି ସାପା ରକମ୍ ସଡ଼କାମ୍ ନ୍‌ସା ଜାବର୍ ଦାନ୍ ବିପେୟାଏ ।

୯ ଦର୍ମ ସାସ୍ତ୍ରର୍‌ନ୍ନିଆ ଗୁଆର୍ ବକେ,

“ଆଲେଃକ୍ଲେ ରେମୁଆଁକେ ମୁକ୍ତି ବାବ୍‌ରେ

ଦାନ୍ ଡିଙ୍ଗ୍‌ସ୍; ମେଁନେ ଲିବିସଃ କାଲାଆଃ ଲେଃଏ ।”

୧୦ ପର୍‌ମେସର୍ ବିଗ୍‌ଜା ରେମୁଆଁ ନ୍‌ସା ବୁ ବାରି ଚଙ୍ଗ୍‌ନେ ସା ବଲେ ଆର୍ମେବିଏ ପର୍‌ମେସର୍ ବିଗ୍ ନ୍‌ସା ଆପେକେ ବୁଜା ଆର୍ମେବିଏ ବାରି ଆତେନ୍ ଆମ୍ବାଏ ବାରି ପେଇଁନେ ନିମାଣ୍ଡା ବିସୟରେ ଆମ୍ବା ବିଏ;

୧୧ ଦେକ୍ ରକମ୍ ପେଇଁ ସାପା ବିସୟରେ ସାଡ଼କାର୍ ଡିଙ୍ଗ୍‌ଚେ ସାପା ରକମ୍ ଦାନ୍ ଡିଙ୍ଗ୍‌ପେୟାଏ ବାରି ଆତେନ୍ ନେଁଇଁନେ ବାନ୍ ଇସପର୍‌ନେ ବାନେ କାରନ୍ ଡିଙ୍ଗ୍‌ସ୍ ।

୧୨ ପେଇଁନେ ଦାନ୍ ରକମ୍ ସେବା ଜେ ମାଡର୍ ଇସପର୍‌ନେ ରେମୁଆଁକେ ଅସ୍‌ବିଦା ଆଡ଼ିଙ୍ଗ୍ ଶୁ । ଆତେନ୍ ଶୁ ମାଡର୍ ଏନ୍ ବାନ୍ ଇସପର୍‌ନେ ଆଡ଼ାଡ଼ା ଗୁଲୁଏ ଗାଗ୍‌ଡେନେ ଜାବର୍ ଦନ୍‌ସବାଦ୍ ଲାଡ଼୍ୟା ଝେଏ ।

୧୩ ଏନ୍ ଜତନ୍ କାମ୍ ବାନ୍ କିସ୍ତନେ ନିମାଣ୍ଡା ସାମୁଆଁ ଆଡ଼ାଡ଼ା
ପେଇଁନେ ବିସ୍ତବାସ୍ ନସା ବାରି ସାପାରେନେ ଏତେ କୁଡ଼େତେ ପେଇଁ
ମୁଡ଼ିନେ ଦାନ୍ ଆନ୍ଦା ପେବକେ ଆତେନ୍‌ସା ମେଇଁ ଇସ୍‌ପର୍‌ନେ
ମିଇମା ଆନ୍ଦା ଆର୍‌ଏ ।

୧୪ ପେଇଁନେ ଆଡ଼ାଡ଼ା ଇସ୍‌ପର୍‌ନେ ମାଲେ ଲିବିସ୍ ନସା ମେଇଁ
ଗୁଲୁଏ ସାର୍‌ଦା ଏତେ ପାରତନାନ୍ନିଆ ଆପେକେ ମନେ ତିଙ୍ଗିଆର୍‌ଏ ।

୧୫ ପାଙ୍ଗଲିପା ଇସ୍‌ପର୍‌ନେ ଇରିଆଡୁଗ୍ ବାରି ବାସଙ୍ଗ୍ ମାୟାନ୍‌ନେ ଦାନ୍
ନସା ମୈନେ ଆଡ଼ାଡ଼ା ଦନ୍‌ସବାଦ୍ ନେବାସଙ୍ଗ୍‌ପା ।

୧୦

ଦଦ୍ୟା ବାସଙ୍ଗ୍‌ନେ ବିରଦ୍‌ରେ ପାଉଲ୍‌ନେ ଉତର୍

୧ ନେଙ୍ଗ୍ ପାଉଲ୍ ଆପେକେ ନେଙ୍ଗ୍‌ନେ ଏନ୍ ନିଜରନେ ନମ୍‌ସ୍ତାର୍
। ଜାଣ୍ଡେ ଜାଣ୍ଡେ ବାସଙ୍ଗ୍‌ଏ, “ନେଙ୍ଗ୍ ପେଇଁନେ ଡାଗ୍‌ଗା ଲେଃବେଲା
ମାଲେ ଦରମ୍ ବାରି ସାନ୍ତି ଲେଃଏ ମାତର୍ ସ୍ତୁ ଖେଲା ମାଲେ ସାହାସ୍
ଲେଃଏ ।” କିସ୍ତନେ ଦରମ୍ ବାରି ମ୍ପେ ବାରି ଦରମ୍ ବାବ୍‌ରେ ମନେ
ଆଃଏତେତେ ଆପେକେ କୁସାମୁଡ଼ି ଶୁଙ୍ଗିଏ;

୨ ପେଇଁନେ ଏତେ କୁଡ଼େଃ ବେଲା ଆନେଙ୍ଗ୍ ତିରକମ୍ ସାହାସ୍
ରକମ୍ ବାଃଲିରବାଃତା ତିଙ୍ଗ୍‌ନେସା ଆପଡ଼େ ଶୁ । ଡାଗ୍‌ଗା ଜାଣ୍ଡେଇଁ
ମନେ ତିଙ୍ଗିଏ ଜେ ନେନେ ଗାଗ୍‌ଡ଼େନେ ନିତିନିୟମ୍ ରକମ୍
ଚାଲେନେତିଁକେ ମୈଇଁନେ ବିରଦ୍‌ରେ ଡାବ୍ ବାଦୁଲ୍ ତୁଙ୍ଗ୍‌ଖେନେ
ଜାବର୍ ସାହାସ୍ ନେଙ୍ଗ୍‌ନେ ଲେଃକେ ।

୩ ଡାଗ୍‌ଗା ନେ ମଞ୍ଚପୁର୍‌ନ୍ନିଆ ବାସା ନେଲେଏ ସଡ଼, ମାତର୍ ନେ
ସଂସାର୍‌ନ୍ନିଆ ଏତେ ବାସା ନେତିଙ୍ଗ୍ ଶୁ

୪ ତେସା ନେ ସଂସାର୍‌ନେ ସାଜବାଜ ଗାଗ୍‌ଡ଼େ ଶୁ ସତୁଇଁନେ ଡାବ୍
ଗାଲିସାପା ଦଂସ ତିଙ୍ଗିନେ ସା ଇସ୍‌ପର୍‌ନେ ଆତେନ୍‌ ବପୁ ବାନ୍ ଦଂସ
ଆଡ଼ିଙ୍ଗ୍ ନେବିଏ ।

୫ ଇସ୍‌ପର୍‌ନେ ଗ୍ୟାନ୍‌କେ ବିରଦ୍ ତିଙ୍ଗିମ୍ୟାକ୍‌ ସାପା ରେ ସାମୁଆଁ
ଦଂସ ତିଙ୍ଗିଲେ । ବାରି ରେମୁଆଁନେ ସାପା ଚିନ୍ତାକେ କିସ୍ତନେ
ଆଦେସ୍ ମାନେଃଲେ ।

୬ ଆଣ୍ଟିନେ ରେମୁଆଁ ସମାନ ବାବରେ କ୍ରିଷ୍ଟୁକେ ଅମାନି ଡିଙ୍ଗ୍‌ଏ ନେନେ ଆମେକେ ଡଣ୍ଡ ବିନ୍‌ସା ତିଆର୍ ନେଲେକେ । ମାତର୍ ସେନୁଗ୍ ନେନେ ଇକ୍‌ଚା ନେଡିଙ୍ଗ୍‌ଏ ଜେ ପେଇଁ ମେଁନେ ଆଦେସ୍ ମାନେପା ।

୭ ପେନେ ପିତୁରପାକା ମେଃମେଃନେ ସାପା ଗଟେଡିଂକେ କେଲାପା । ପେଇଁନେ ବିତ୍ରେ ଜାଣ୍ଡେ କିସ୍‌ଟନେ ବିସ୍‌ବାସି ଲେଃଆର୍‌କେ ଲେଃ ? ଜଦି ଲେଃଆର୍‌କେ ତେଲା ମେଁ ଆର୍‌ମୁଇଁତର୍ ଏନ୍ ଚିନ୍ତା ଡିଙ୍ଗ୍ କେଲାପା । ତାଗ୍ଲା ମେଁନେ ରକମ୍ ନେନେ ଡିଗ୍ କିସ୍‌ଟନେ ବିସ୍‌ବାସି ।

୮ ଆପେକେ ଦଂସ ଆଡିଙ୍ଗ୍ ନ୍‌ସା ଶୁ ମାତର୍ ଆରେ ନ୍‌ସା ଇସ୍‌ପର୍ ଆନେକେ ମୁଡିନେ ଅଦିକାର୍ ବିବକେ, ଆଡେନ୍ ସା ଜଦି ନେଙ୍ଗ୍ ମାଲେ ଗରବ୍ ଶ୍ରିଙ୍ଗ୍‌ଏ, ତେଲା ଗିଆସ ନାଡିଙ୍ଗ୍ ଶୁ ।

୯ ନେଙ୍ଗ୍ ନେଙ୍ଗ୍‌ନେ ଚିଚି ବାନ୍ ଆପେକେ ବାଃଟନ୍‌ସା ଚେସ୍‌ଟା ଡିଙ୍ଗ୍‌ଶ୍ରିଂକେ ତାଗ୍‌ଚେ ପେଇଁ ଆଏଡେଗେପା ।

୧୦ ଜାଣ୍ଡେ ଜାଣ୍ଡେ ବାସଙ୍ଗ୍‌ଆର୍‌ଏ “ପାଉଲ୍‌ନେ ଚିଚିଇଁ ବାଦେକେ ରକମ୍ ବାରି ଗୁଆକେ ରକମ୍ ମାତର୍ ନେ ଏଡେ ଲେଃକେଲା ମେଁନେ ଗାଗଡେ ରୁଗଟ୍ୟା ନ୍‌ମ୍ୟାକେ ବାରି ମେଁନେ ସାମୁଆଁ ଦଦ୍ୟା ରକମ୍ ଲାଗେଏ ।”

୧୧ ଆଡେନ୍ ରେମୁଆଁଇଁନେ ବୁଜେନେ ଦରକାର୍ ଜେ ନେନେ ସୁ ବାନ୍ ଚିଚିନ୍ନିଆ ମେଃମେଃନେ ନେଗୁଆର୍‌ଏ ସାମ୍‌ନାନ୍ନିଆ ଆମେକେ ସ୍ଲେନିଆ ବେବଆର୍ ନେଡିଙ୍ଗ୍‌ଏ ।

୧୨ ତାଗ୍ଲା ଜାଣ୍ଡେଇଁ ଆମ୍ବା ପ୍ରସଂସା ଡିଙ୍ଗ୍‌ଆର୍‌ଏ ମେଁଇଁନେ ବାନ୍ ଜାଣ୍ଡେ ଜାଣ୍ଡେ ଏଡେ ନିଜେ ନିଜେକେ ତୁଲ୍‌ନା ଡିଙ୍ଗ୍‌ନେସା ନେ ସାହାସ୍ ନେଡିଙ୍ଗ୍‌କେ ଶୁ; ମାତର୍ ମେଇଁ ନିଜେ ନିଜେ ନିଜର୍ ନିଜର୍‌ବାନ୍ ନିଜର୍ ନିଜର୍‌ନେ ଇସାବ୍ ବାରି ନିଜର୍ ନିଜର୍ ଏଡେ ନିଜର୍ ନିଜର୍‌ନେ ରକମ୍ ଡିଙ୍ଗ୍‌ଚେ ମୁର୍ଜ୍ ଆନ୍‌ା ବକେ ।

୧୩ ଆନେକେ ମୁଡିନେ କାମ୍ ବିବ ଆର୍‌କେ ଆଡ୍‌ବାନ୍ ସିମା ଗାଲେଗ୍‌ଚେ ଅଃନାଡିଗ୍ ଗରବ୍‌ନେ ସାମୁଆଁ ନେବାସଙ୍ଗ୍ ଶୁ । ପର୍‌ମେସର୍‌ନେ ବିଃକ୍‌କେ କାମ୍ ନ୍‌ସା ନେନେ ନିଜେ ଗରବ୍ ନେଡିଙ୍ଗ୍‌ଏ । ଏନ୍ କାମ୍ ପେଇଁନେ ଏଡେ ନେନେ କାମ୍‌କେ ଡିଗ୍ ପାକାପାକି ଡିଙ୍ଗ୍‌ଏ ।

୧୪ ଆଡେନ୍‌ସା ନେନେ ସେନୁଗ୍ କିସ୍‌ଟନେ ନିମାଣ୍ଡା ସାମୁଆଁ

ପେଇଂନେ ଡାଗ୍ରା ତୁଙ୍ଗ୍ ଝେନେ ବେଲା ମୋଃଡିଗ୍ ସିମା ବାଏରେନେ କାମ୍ ନେଡିଙ୍ଗ୍ କେ ଶୁ ।

୧୫ ନେନେ ବିନ୍‌ଶ୍ଟ୍ରେ ବାନ୍ ଆଡିଙ୍ଗ୍‌ବକ୍ଲେ କାମ୍ ନ୍ୟା ଶୁ ମାତର୍ ନିଜେ ଡିଙ୍ଗ୍‌ବକ୍ଲେ କାମ୍ ନ୍ୟା ଗରବ୍ ତିଂନେଡିଙ୍ଗ୍ । ନେନେ ଆସା ନେଡିଙ୍ଗ୍ ଜେ ପେଇଂନେ ବିସ୍‌ବାସ୍ ମ୍ଲାନେ ଏଡେ ନେନେ କାମ୍ ଜାବର୍ ବାବ୍‌ରେ ମ୍ଲାନେ ପେଇଂ ସାଇଜ ପେଡିଙ୍ଗ୍ ।

୧୬ ତେଲା ବିନ୍‌ଶ୍ଟ୍ରେ ଡିଙ୍ଗ୍‌ବକ୍ଲେ କାମ୍ ଆଡାଡ୍ରା ଗରବ୍ ମାଡିଙ୍ଗ୍‌ରେ ପେଇଂନେ ଗିରା ବାଏରେ ବିନ୍ ଦେସ୍‌ନ୍ନିଆ ତିଗ୍ ନେନେ ନିମାଣ୍ଡା ସାମୁଆଁ ବାସଙ୍ଗ୍ ନେୟାଏ ।

୧୭ ଦର୍ମ ସାସ୍‌ରନ୍ନିଆ ଗ୍ଲୁଆରଲେଃକେ “ଜାଣ୍ଡେ ଗରବ୍ ଡିଙ୍ଗ୍‌ନେ ଚାଏଁଏ ମେଁ ମାପୁନେ କାମ୍ ନ୍ୟା ଗରବ୍ ଡିଙ୍ଗ୍‌ଲେ ।”

୧୮ ଡାଗ୍ଲା ଜାଣ୍ଡେ ନିଜର୍ ପ୍ରସଂସା ଡିଙ୍ଗ୍‌ଏ, ମେଁ ପରିକ୍ୟା ନିମାଣ୍ଡା ଶୁ ମାତର୍ ମାପୁ ଜାଣ୍ଡେନେ ପ୍ରସଂସା ଡିଙ୍ଗ୍‌ଏ, ମେଁନେ ପରିକ୍ୟା ନିମାଣ୍ଡା ।

୧୧

ପାଉଲ୍ ବାରି ମିରୁଆ ସିସ୍

୧ ନେଙ୍ଗ୍ ଚାଏଁଣ୍ଡିଂକେ ମୋଃଡିଗ୍ ବିସ୍‌ୟନ୍ନିଆ ଇଡୁଡା ମୁକ୍ ଡିଙ୍ଗ୍‌ଲା ତିଗ୍ ପେଇଂ ଆନେଙ୍ଗ୍ ସମ୍ପାଲେ ପେଡିଙ୍ଗ୍ ।

୨ ପେଇଂନେ ବିସ୍‌ୟନ୍ନିଆ ମୁଇଙ୍ଗ୍ ଦରମ୍ ଇଂସା ମନ୍ ନେଙ୍ଗ୍ ମନ୍‌ନ୍ନିଆ ଲେଃକେ । ଡାଗ୍ଲା ପେଇଂ ପବିତ୍ର ସେଲା ରକମ୍ । ମୁଇଂ ଆଃ ଙ୍ଗ୍‌ରେ କିସ୍‌ଟନେ ଏଡେ ଆପେକେ ଆମିସୁ ବିଃନ୍‌ସା ନେଙ୍ଗ୍ ପାର୍‌ମାନ୍ ଡିଙ୍ଗ୍‌ମ୍‌କେ ।

୩ ମାତର୍ ବୁବଃ ନିଜର୍ ଚାଲାକିନ୍ନିଆ ହବାକେ ଡିରକମ୍ ଆଃବାୟାକେ ଦେଡୁରକମ୍ ଅଃନା ପେଇଂନେ ମନ୍ କିସ୍‌ଟନେ ଆଡାଡ୍ରା ଦରମ୍ ବାରି ପବିତ୍ରତାବାନ୍ ନସୁ ଡିଙ୍ଗ୍‌ଏ ନେଙ୍ଗ୍‌ନେ ଏନ୍ ବୁଟମେଗ୍ ଡିଙ୍ଗ୍‌କେ ।

୪ ଡାଗ୍ଲା ଜାଣ୍ଡେ ଜଦି ପାଙ୍ଗ୍‌ରେ ନେନେ ବାସଙ୍ଗ୍ ମ୍ୟାକ୍ଲେ ଜିସୁକେ ଆଃଡାରରେ ବିନ୍ ଆଣ୍ଡିନେ ଜିସୁନେ ସାମୁଆଁ ବାସଙ୍ଗ୍ ଆରଏ ଶୁଲା ପେଇଂ ବାକ୍ଲେ ପବିତ୍ର ଆମ୍‌ାକେ ଆଃଡାରରେ ବିନ୍ ଆଣ୍ଡିନେ ପବିତ୍ର ଆମ୍‌ାନେ ସାମୁଆଁ ବାସଙ୍ଗ୍ ଶୁଲା ପେଇଂ ଗ୍ରଅନ୍ ଡିଙ୍ଗ୍‌କ୍ଲେ ନିମାଣ୍ଡା

ସାମୁଆଁ ଆଃତାରରେ ବିନ୍ ଆଣ୍ଟିନେ ନିମାଣ୍ଡା ସାମୁଆଁ ବାସଙ୍ଗଏ ପେଇଁ
ସାହାସ୍ ସାଚେ ମେଁଇଁନେ ବାନ୍ ଅଁପେତିଁକେ ।

୫ ପେଇଁନେ ଆତେନ୍ “ମ୍ଲା ପ୍ରେରିଡ୍” ସିସ୍‌ଇଁନେ ବାନ୍ ନେଙ୍ଗ୍
ମେଃଡିଗ୍ ଗୁନ୍‌ନିଆ ତାଆଁ ଡିଙ୍ଗ୍‌ରେ ବାବେ ନାଡିଙ୍ଗ୍‌କେ ଶୁ ।

୬ ନେଙ୍ଗ୍ ମେଁଇଁନେ ରକମ୍ ଅସିକିଡ୍ ବଙ୍ଗା ଶୁ ମାତର୍ ନେଙ୍ଗ୍‌ନେ
ଗ୍ୟାନ୍ ଲେଃକେ । ଆପେକେ ଏନ୍ ସାମୁଆଁ ନେନେ ସାପାବେଲା
ବାସଙ୍ଗ୍ ନେପାଙ୍ଗ୍‌କେ ।

୭ ନେଙ୍ଗ୍ ଆପେକେ ବିନା ମୁଲ୍ୟନ୍ନିଆ ପରମେସର୍‌ନେ ନିମାଣ୍ଡା
ସାମୁଆଁ ବାସଙ୍ଗ୍ ଶ୍ରିଙ୍ଗ୍‌କେ । ଆପେକେ ମ୍ଲା ଆଡିଙ୍ଗ୍ ନ୍‌ସା ନେଙ୍ଗ୍
ନିଜେକେ ତାଆଁ ଆଡିଙ୍ଗ୍‌ମ୍‌କେ । ଏନ୍ ମେଃମେଃନେ ନେଙ୍ଗ୍‌ନେ ବୁଲ୍
?

୮ ପେଇଁନେ ବିତ୍ରେ କାମ୍ ଡିଙ୍ଗ୍‌କେଲା ନେଙ୍ଗ୍ ବିନ୍
ମଣ୍ଡୁଲିଇଁନେବାନ୍ ନେଙ୍ଗ୍ ସାପା ସାଇଜ ବାନ୍‌କେ । ବାସଙ୍ଗ୍‌ନେ
ଝେଲା ପେଇଁନେ ବଲ୍ ନ୍‌ସା ନେଙ୍ଗ୍ ଆମେଇଁକେ ଡଙ୍ଗା ମ୍‌କେ ।

୯ ✱ମାତର୍ ନେଙ୍ଗ୍ ପେଇଁ ବିତ୍ରେ ଲେଃକେଲା ଉଡିବେଲା
ଅସ୍‌ବିଦା ଡିଙ୍ଗ୍‌କେ ଆତେନ୍ ବେଲା ନେଙ୍ଗ୍ ଜାଣ୍ଡେ ରେମୁଆଁନେ
ଲିଗିଙ୍ଗ୍ ରକମ୍ ଡିଙ୍ଗ୍ ନାନେ ଲେଃକେ ତାଗ୍ଲା ମାସିଦୋନିଆବାନ୍
ବୟାଁଇଁ ପାଙ୍ଗ୍‌ରେ ନେଙ୍ଗ୍‌ନେ ଅବାବ୍ ବତ୍ ଆଡିଙ୍ଗ୍‌ବକେ ବାରି
ମେଃଡିଗ୍ ବିସୟ୍‌ରେ ପେଇଁନେ ଲିଗିଙ୍ଗ୍ ରକମ୍ ଆଡିଙ୍ଗ୍ ନ୍‌ସା ନିଜର୍
ବିସୟ୍‌ନ୍ନିଆ ତରକ୍ ଡିଙ୍ଗ୍‌କେ ବାରି ତରକ୍ ଡିଙ୍ଗ୍‌କେ ।

୧୦ ନେଙ୍ଗ୍ ତାଗ୍ଲା ଲେଃକେ କିସ୍‌ଟନେ ସଡ୍‌କେ ସାକି ବଚେ ନେଙ୍ଗ୍
ବାସଙ୍ଗ୍‌ଣ୍ଡିଁ ଜେ ଆଖାୟା ଦେସନେ ମେଃଡିଗ୍ ଅଞ୍ଚଲ୍‌ନ୍ନିଆ ନେଙ୍ଗ୍‌ନେ
ଏନ୍ ଗରବ୍‌କେ ଜାଣ୍ଡେ ବାଙ୍ଗେ ଆୟା ଶୁ ।

୧୧ ନେଙ୍ଗ୍ ମେନ୍‌ସା ଦେକ୍‌ରକମ୍ ବାସଙ୍ଗ୍‌ଣ୍ଡିଁ ? ନେଙ୍ଗ୍ ମେଃନେ
ଆପେକେ ଆଲାଦ୍ ତିଁନାଡିଙ୍ଗ୍‌କେ ଶୁ ? ଇସ୍‌ପର୍ ମ୍ୟାଲେଃକେ
ଆପେକେ ନେଙ୍ଗ୍ ଉଡି ଆଲାଦ୍ ତିଁଣ୍ଡିଁକେ ।

୧୨ ନେଙ୍ଗ୍ ମେଃମେଃନେ ମ୍ଲାସଙ୍ଗ୍‌ଏ ଆତେନ୍ ଡିଙ୍ଗ୍ କ୍ଲେଃଏ ତେଲା
ନେନେ ରକମ୍ କାମ୍ ଡିଙ୍ଗ୍‌ଆର୍‌ଡିଁକେ ତାଗ୍‌ରେ “ବିନ୍ ମ୍ଲା ପ୍ରେରିଡ୍”
ଗରବ୍ ଡିଙ୍ଗ୍‌ଆର୍‌ଏ, ମେଇଁ ବାରି ଆତେନ୍ ଡିଙ୍ଗ୍ ଆୟାଆର୍ ଶୁ ।

୧୩ ମେଇଁ ବେକ୍ଲେ ସିସ୍ ଶୁ ଚୁମାଇଁ ସାପାରେ ବଣ୍ଡ । ମେଇଁ ନିଜର୍ କାମ୍ ବିସୟରେ ମିର୍ ବାସଙ୍ଗ୍ ଆର୍ଏ ବାରି କିସ୍ତନେ ବେବକ୍ଲେ ସିସ୍ ରକମ୍ ଆନାନେ ସା ବିନ୍ ମୁତ୍ ସାଃଆର୍ଏ ।

୧୪ ଏନ୍ସା ଇରିଆତୁଗ୍ ତିଙ୍ଗନେ ମେଃଡିଗ୍ ଶୁ ଡାଗ୍ଲା ସେଃଆଁରେ ଡିଗ୍ ଡାକ୍ ଗ୍ରେ କିତନେ ଦୁଡ୍ ରକମ୍ ଆସୁଏ ନ୍ସା ବିନ୍ ରୁପ୍ ସାଃଲେଃଏ ।

୧୫ ତେସା ମେଁନେ ଗତିରେଇଁ ଦରମ୍ନେ ଗୁତିରେନେ ବିନ୍ ମୁତ୍ ସାଃ ଲେଃଲା ଇରିଆତୁଗ୍ ତିଙ୍ଗନେ ମେଃଡିଗ୍ ଶୁ ମାତର୍ ଇଡିଙ୍ଗ୍ ମେଁଇଁନେ କାମ୍ ତିଙ୍ଗକ୍ଲେ ଡଶ୍ ମେଇଁ ବଗେଆର୍ଏ ।

ବେବକ୍ଲେ ସିସ୍ ରକମ୍ ପାଉଲ୍ ଡଶ୍‌ବାନେ

୧୬ ନେଙ୍ଗ୍ ଆର୍ମୁଇଁତର୍ ବାସଙ୍ଗ୍ ଡାଶ୍ଟେ ତିରକମ୍ ଆନେଙ୍ଗ୍ ମୁର୍କ୍ ଡାଗ୍ରେ ମନେ ଆଡିଙ୍ଗ୍ଲେଃ । ଜଦି ଦେଡ୍‌ରକମ୍ ମନେ ତିଙ୍ଗ୍ ଡେଲା ଆନେଙ୍ଗ୍ ମୁର୍କ୍ ବାବ୍ରେ ଗ୍ରଅନ୍ ତିଙ୍ଗ୍‌ପା ଡେଲା ନେଙ୍ଗ୍ ଡିଗ୍ ଇକୁଡ୍‌ା ଗରବ୍ ତିଙ୍ଗ୍‌ୟାଏ ।

୧୭ ଏବେ ନେଙ୍ଗ୍ ମେଃମେଃନେ ବାସଙ୍ଗ୍, ଆଡେନ୍‌ସା ମାପୁ ଆନେଙ୍ଗ୍ ଆଦେସ୍ ବିଆବକେ ଶୁ । ଡାଗ୍ଲା ସାଆସ୍‌ରେ ଗରବ୍ ତିଙ୍ଗ୍‌ନେ ବିସୟରେ ନେଙ୍ଗ୍ ସଡେଆ ମୁର୍କ୍ ରକମ୍ ସାମୁଆଁ ବାସଙ୍ଗ୍ ।

୧୮ ମାତର୍ ସଂସାର୍‌ନେ ବିସୟନ୍ନିଆ ଗୁଲ୍‌ଏ ରେମୁଆଁ ତିରକମ୍ ଗରବ୍ ତିଙ୍ଗ୍‌ଆର୍ଏ ନେଙ୍ଗ୍ ଡିଗ୍ ଦେଡ୍‌ରକମ୍ ଗରବ୍ ତିଙ୍ଗ୍ ପାରେ

୧୯ ପେଇଁ ଗ୍ୟାନି ତିଙ୍ଗ୍‌ରେ ଡିଗ୍ ସାଦ୍‌ାରେ ମୁର୍‌କକ୍‌କେ ସାମ୍‌ଲେ ପେଡିଙ୍ଗ୍‌କେ ।

୨୦ ଜାଶ୍ଟେ ଆପେକେ ଚାକର୍ ଆଡିଙ୍ଗ୍‌ରେ ବଏ ପେଇଁନେ ସମ୍‌ତି ସାପା ତୁଙ୍ଗ୍‌କ୍‌ଏ ଆପେକେ ପାନ୍‌ନ୍ନିଆ ଡ୍ଲାଗ୍‌ଏ ଆପେକେ ଇଙ୍ଗ୍‌ରେ ଆର୍‌କେ ଦେକ୍‌ରକମ୍ କି ପେନେ ଗିଙ୍ଗ୍‌ନ୍ନିଆ ମୁଇଁ ଚାପଡ୍‌ ବଗ୍‌ଲା ଡିଗ୍ ପେଇଁ ଆମେକେ ସମ୍‌ଲେ ଲାଲାପା ।

୨୧ ନେଙ୍ଗ୍ ଗିଆସ୍‌ରେ ଗ୍ରଅନ୍ ଶ୍ଟିଙ୍ଗ୍‌କେ ଜେ ଏନ୍ ସାପା ବିସୟରେ ନେଙ୍ଗ୍ ଜାବର୍ ଅସକ୍‌ତିଆ ।

ମାତର ବିନ୍ଦୁ ମେଠିର ବିସୟରେ ଜାଣେ ଜଦି ଗରବ ତିଙ୍କନେ
ସା ସାହାସ ତିଙ୍କୁଏ ତେଲା ମୁକ୍ତ ରକମ୍ ନେଙ୍କ ବାସଙ୍କଣ୍ଡିଂ ନେଙ୍କନେ
ଦେଡ଼ରକମ୍ ସାଆସ୍ ଲେଠକେ ।

୨୨ ମେଇଂ ମେଠମେଠନେ ଏରୀ ବାସାଣ୍ଡେ ? ନେଙ୍କ ତିରୁ ଏରୀ
ବାସାଣ୍ଡେ । ମେଇଂ ମେଠନେ ଇଶ୍ଟାଏଲ୍‌ନେ ରେମୁଆଁ ? ନେଙ୍କ
ତିରୁ ଇଶ୍ଟାଏଲ୍‌ନେ ରେମୁଆଁ । ମେଇଂ ମେଠମେଠନେ ଅରାହାମ୍‌ନେ
କୁଲ୍‌ବଂସ ? ନେଙ୍କ ତିରୁ ଅରାହାମ୍‌ନେ କୁଲ୍‌ବଂସ ।

୨୩ ✧ମେଇଂ ମେଠମେଠନେ କିସ୍‌ଟନେ ସେବାରେ ? ନେଙ୍କ
ବାୟା ରକମ୍ ବାସଙ୍କଣ୍ଡିଂ ନେଙ୍କ ମେଈଂନେ ବାନ୍ ମା ସେବାରେ
। ନେଙ୍କ ମେଈଂନେ ବାନ୍ ମାଲେ କସ୍ ତିଙ୍କମ୍‌କେ ଜାବର ଜେଲ୍
ଝେନେଲେଠକେ ବାରି ତୁଡୁ ଏତେ ବଗ୍‌କ୍‌କେ ସାମ୍‌ଲେ ନ୍‌ଲେଠକେ ବାରି
ପ୍ରେଗ୍‌ପ୍ରେଗ୍ ଗୁଏନ୍ନିଆ ସାମ୍‌ନା ତିଙ୍କ୍‌ଲେକେ ।

୨୪ ମାଲ୍‌ତର ନେଙ୍କ ଜିଉଦିଈଂନେବାନ୍ ଅନ୍‌ଚାଲିସ୍ ତୁଡୁମାଡ଼
ଚଙ୍କ୍‌ଲେକେ ।

୨୫ ରୋମାୟ୍‌ଇଂନେବାନ୍ ଝିତର ଚାବୁକ୍ ମାଡ଼ ଚଙ୍କ୍‌ଲେକେ ।
ମୁଇଂତର ବି ମାଡ଼ ଚଙ୍କ୍‌ଲେକେ । ଝିତର ଜାଆନ୍ ଗର୍‌ନାନେ ସାମ୍‌ନା
ତିଙ୍କ୍‌ଲେକେ ବାରି ମୁଇଂତର କେଣ୍ଡିଆ ଶ୍ଟିଆନ୍ନିଆ ୪୪ ଗଣ୍ଡା ନ୍‌ଲେଠକେ
।

୨୬ ✧ଗୁଲ୍‌ଏ ତର ଝେନେ ବେଲା ଲଣ୍ଡିଆନେ ବୁରାଣ୍ଡିଆ
ଡ଼ଙ୍ଗାରେଇଂନେ ବିପଦ୍‌ନ୍ନିଆ ନିଜର ଜିହୁଦି ବାନ୍ ବିପଦ୍‌ନ୍ନିଆ ଜିହୁଦି
ଅଣଜିଉଦି ବାନ୍ ବିପଦ୍‌ନ୍ନିଆ ସହରନେ ବିପଦ୍‌ନ୍ନିଆ କଣ୍ଡା ବିପଦ୍‌ନ୍ନିଆ
କେଣ୍ଡିଆନେ ବିପଦ୍‌ନ୍ନିଆ ସାମ୍‌ନା ତିଙ୍କ୍‌ଲେକେ ।

୨୭ ଜାବର କସ୍ ତିଙ୍କ୍‌ଲେକେ ବାରି ଦୁକ୍‌କସ୍ ବଗେ ନ୍‌ଲେଠକେ
ଲେମୁଆଃ ବାରି କେଡେସ ଉଗ୍‌ତ୍ୟା ଗୁଲ୍‌ଏ ଦିନ୍ କାଟେମ୍‌କେ
ଦରକାରନେ ବଲେ ପାଟାଇ ବାରି ଲେଠନେ ଜାଗା ଅବାବରେ ଗୁଲ୍‌ଏ
କସ୍ ସାମ୍‌ଲେମ୍‌କେ ।

୨୮ ବାକି ସାପା ବିସୟ ଆଃତାରରେ କାଲାଆଃ ନେଙ୍କ ଆଡ଼ାଡ଼ା
ମଣ୍ଡଲି ଚିନ୍ତା ପାଙ୍କ୍‌କେ ।

୨୯ ଜାଣେ ଜଦି ଅସକ୍‌ତିଆ ତିଙ୍କ୍‌ଝେଏ, ନେଙ୍କ ତିରୁ ମେଁ ଏତେ
ଅସକ୍‌ତିଆ ମନେ ତିଂଣ୍ଡିଂକେ । ଜାଣେ ପାପ୍ ତିଙ୍କ୍‌ଲା, ନେଙ୍କ ମନେ

କସ୍ତୁ ବା ଶ୍ରିଂକେ ।

୩୦ ଜଦି ଗରବ୍ ତିଙ୍ଗ୍ନେ ତିଙ୍ଗ୍ନେ ତେଲା ନେଙ୍ଗ୍ନେ ଏନ୍ ସାପା ଅସକ୍ତିଆ ନସା ଆନେଙ୍ଗ୍ ଗରବ୍ ତିଙ୍ଗ୍ନେ ପଡ଼େଏ ।

୩୧ ନେଙ୍ଗ୍ ମିର୍ ନାବାସଙ୍ଗ୍ନେ ଶୁ । ମେଁ ମ୍ୟାଲେଃକେ ଜେ ମାପୁ ଜିସୁ କିସ୍ତନେ ଆବା ଇସ୍ପର୍ନେ ଜୁଗ୍ ଜୁଗ୍ ଦନ୍ୟ ତିଙ୍ଗ୍ଲେଃ ।

୩୨ ☆ନେଙ୍ଗ୍ ଦାମାସ୍ତନ୍ନିଆ ଲେଃନେବେଲା ଇଃସାଙ୍ଗ୍ ଆରେଟସ୍ନେ ତାଗ୍ରା ସାସନ୍ ତିଂଶ୍ଚୁ ଆନେଙ୍ଗ୍ ବନ୍ଦି ଆତିଙ୍ଗ୍ ନସା ସହରନେ ପିତୁର୍ପାକା ଉରଶ୍ଚେକେ ଆଉର୍ ବକେ ।

୩୩ ମାତର୍ ଆନେଙ୍ଗ୍ ଚାଟ୍ନା ଏତେ ନଗର୍ ବାଏରେ ଜରକା ପାକା ଆଃଜାର ବିଃ ଆରକେ । ଦେକ୍ ରକମ୍ ବାବରେ ନେଙ୍ଗ୍ ଆତେନ୍ ସାସନ୍ ତିଂଶ୍ଚେନେ ବାନ୍ ରକ୍ୟା ବାଲ୍ଲେଃ ।

୧୨

ପାଉଲ୍ ମୁଆଃ କିକେନେ

୧ ମେଃଡିଗ୍ ଲାବ୍ ଆତିଙ୍ଗ୍ଲା ତିଗ୍ ଆନେଙ୍ଗ୍ ଏଲେଡିଗ୍ ଗରବ୍ ତିଙ୍ଗ୍ନେ ପଡ଼େଏ । ମାତର୍ ମାପୁ ଆନେଙ୍ଗ୍ ଆଶ୍ଚିନେ ସାପା ମୁଆଃ କିକେନେ ବାରି ସାପା ବିସୟ୍ ଆନେଙ୍ଗ୍ ବିବକେ ଆତେନ୍ ନେଙ୍ଗ୍ ମ୍ବାସଙ୍ଗ୍ ।

୨ କ୍ରିସ୍ଟିୟାନ୍ ରେମୁଆଁ ମୁଇଙ୍ଗ୍ ଗଅଁ ମୁଆଁ ଇତିଙ୍ଗ୍ ଙ୍ଗି କିତଂନିଆ ଝେଲେଃକେ ମେଁ ଗାଗଡେନ୍ନିଆ ଲେଃକେ ଶୁଲା ଗାଗଡେ ବାଏରେ ଲେଃକେ ନେଙ୍ଗ୍ ନାମ୍ୟାକେ ଶୁ ଆତେନ୍ ମାତର୍ ଇସ୍ପର୍ ମ୍ୟାଲେଃକେ ।

୩ ଅଁ, ଦେକ୍ରକମ୍ ରେମୁଆଁକେ ନେଙ୍ଗ୍ ମ୍ୟାଲେକେ ମେଁ କିତଂଇନିନିଆ ତୁଂଝିଗବକେ । ମେଁ ଗାଗଡେନ୍ନିଆ ଲେଃକେ ଶୁଲା ଗାଗଡେ ବାଏରେ ଲେଃକେ ଆତେନ୍ ନେଙ୍ଗ୍ ନାମ୍ୟାକେ ଶୁ । ମାତର୍ ଇସ୍ପର୍ ମ୍ୟାଲେକେ ।

୪ ଆଶ୍ଚିନେ ରେମୁଆଁ ବାନ୍ ବାସଙ୍ଗ୍ନେ ତିଂଆୟା ଶୁ । ଦେକ୍ରକମ୍ ସାମୁଆଁନିଆ ବାସଙ୍ଗ୍ ଆୟାକେ ରକମ୍ ବାରି ଆଃତର୍ସା ଆୟାକେ ରକମ୍ ସାମୁଆଁ ଅଁକେ ।

☆ ୧୧:୩୨ ପ୍ରେରିତ୍ ୯:୨୩-୨୫.

୫ ଏନ୍ ରେମୁଆଁ ନ୍ୟା ନେଙ୍ଗ ଗରବ୍ ଶ୍ରିଙ୍ଗ୍ । ମାତର ନିଜର୍ ଅସକ୍ତିଆ ଆଃତାର୍ତ୍ତେ ବିନ୍ ମେଃଡିଗ୍ ବିସୟ୍ନିଆ ନେଙ୍ଗ ଗରବ୍ ନାଡିଙ୍ଗ୍ ଶୁ ।

୬ ଗରବ୍ ତିଙ୍ଗ୍ନେ ତାଗ୍ରା ମୁର୍କ୍ ଆଡିଙ୍ଗ୍ ଶୁ ତାଗ୍ରା ନେଙ୍ଗ୍ ସଡ଼ ସାମୁଆଁ ମ୍ବାସଙ୍ଗ୍ । ମାତର ନେଙ୍ଗ୍ ଗରବ୍ ନାଡିଙ୍ଗ୍କେ ଶୁ ତାଗ୍ରା ନେଙ୍ଗ୍ ଚାଏଁଶ୍ରିଂକେ, ରେମୁଆଁ ଆନେଙ୍ଗ୍ ତିରକମ୍ କାମ୍ ତିଙ୍ଗ୍ନେ କେଆରୁଏ ଶ୍ରିଲ୍ଲା ନେଙ୍ଗ୍ବାନ୍ ତିରକମ୍ ସାମୁଆଁ ଅଁଆରୁଏ, ମେଁବାନ୍ ଆନେଙ୍ଗ୍ ମ୍ବା ତାଗ୍ରାଚେ ମନେ ଆଡିଙ୍ଗ୍ପା ।

୭ ଏନ୍ସା ନେଙ୍ଗ୍ ତିରକମ୍ ଜାବର୍ ଗରବ୍ ନାଡିଙ୍ଗ୍ ଶୁ ଏନ୍ସା ଆନେଙ୍ଗ୍ ବଗ୍ ନ୍ୟା ନେଙ୍ଗ୍ନେ ଗାଗ୍ଡେନ୍ନିଆ ଗଲିଆନେ ଦୁଡ଼ ରକମ୍ ମୁଇଙ୍ଗ୍ କାମ୍ ବିଆରକେ ତିରକମ୍ ନେଙ୍ଗ୍ ଜାବର୍ ଗରବ୍ ନାଡିଙ୍ଗ୍ ଶୁ ଏନ୍ସା ଆଡେନ୍ ବିଆରକେ ।

୮ ତିରକମ୍ ଆଡେନ୍ ନେଙ୍ଗ୍ବାନ୍ ସୁ ତିଙ୍ଗ୍ ଏନ୍ସା ନେଙ୍ଗ୍ ମାପୁକେ ଆଡେନ୍ ବିସୟ୍ନେ ଞ୍ଚିତର୍ ପାରତନା ଶ୍ରିଙ୍ଗ୍କେ ।

୯ ମାତର ମେଁ ଆନେଙ୍ଗ୍ ବାସଙ୍ଗ୍କେ “ନେଙ୍ଗ୍ନେ ଲିବିସ ନାନେ ନ୍ୟା ଜାବର୍ ନାନେ ଅସକ୍ତିଆ ତିଙ୍ଗ୍ନେ ବେଲା ନେଙ୍ଗ୍ନେ ବପୁ ସମାନ୍ ବାବ୍ରେ ନ୍ୟା ।” ତେସା କିସ୍ଟନେ ବପୁ ନେଙ୍ଗ୍ ଆଡାତ୍ରା ଅଦିକାର୍ ତିଙ୍ଗ୍ନେ ସା ନେଙ୍ଗ୍ ନେଙ୍ଗ୍ନେ ଅସକ୍ତିଆ ନ୍ୟା ଜାବର୍ ଗରବ୍ ଶୁଙ୍ଗ୍ ବାରି ସାର୍ଦା ଶ୍ରିଙ୍ଗ୍ ।

୧୦ ତେସା କିସ୍ଟନେ ନ୍ୟା ସାପା ରକମ୍ ଅସକ୍ତିଆ ଅପମାନ୍ ଦୁକ୍ କସୁ ବାରି ଆପଦ୍ ବିପଦ୍ନିଆ ନେଙ୍ଗ୍ ସାର୍ଦାରେ ଗ୍ରଅନ୍ ଶ୍ରିଙ୍ଗ୍ ତାଗ୍ରା ଉଡିବେଲା ନେଙ୍ଗ୍ ଅସକ୍ତିଆ ଆଡେନ୍ ବେଲା ନେଙ୍ଗ୍ ବପୁମାନ୍ ।

କରିନ୍ନିନେ ରେମୁଆଁଙ୍ଗ୍ନେ ନ୍ୟା ପାଉଲ୍ନେ ବାବ୍ନା

୧୧ ନେଙ୍ଗ୍ ମୁର୍କ୍ ତିଙ୍ଗ୍ନେକେ । ଏନ୍ ବାସଙ୍ଗ୍ ନ୍ୟା ପେଇଁ ଆନେଙ୍ଗ୍ ଜବଡ଼ଜସ୍ତି ପେଡିଙ୍ଗ୍କେ ତାଗ୍ରା ନେଙ୍ଗ୍ନେ ପ୍ରସଂସା ତିଙ୍ଗ୍ନେ ପେଇଁନେ ଦରକାର୍ ଲେଃକେ । ନେଙ୍ଗ୍ ମେଃଡିଗ୍ ଶୁଲ୍ଲା ତିଗ୍ ପେଇଁନେ ଆଡେନ୍ “ମ୍ବାନେ ବେବକ୍ଲେ ସିସ୍ଲଙ୍ଗ୍ନେବାନ୍” ମେଃଡିଗ୍ ଗୁନ୍ନିଆ ତାଆଁ ଶୁ ।

୧୨ ନେଇଁ ପେଇଁନେ ଏତେ ଲେଖନେ ବେଲା ମୁଇଇଁ ବେବକ୍ଲେ ତାଗ୍‌ତେ ପରମାନ୍ ତିଇଁବକ୍ଲେ କାମ୍ ନେଇଁ ତିଇଁମ୍‌କେ । ଗୁଲୁଏ ଚିନା କାବା ବାରି ଇରିଆତୁଗ୍‌ନେ କାମ୍ ଆଃସୁଏମ୍‌କେ । ଏନ୍ ସାପା ନେଇଁ ଗୁଲୁଏ ସାଆସ୍ ଏତେ ତିଇଁମ୍‌କେ ।

୧୩ ମାତର୍ ମୁଇଇଁ ବିସୟରେ ବିନ୍‌ବିନ୍‌ନେ ମଣ୍ଡଲିବାନ୍ ପେଇଁନେ ଏତେ ନେଇଁନେ ବାଃଲିରବାଃତା ବିନେ ତିଇଁଲେଃ । ଜଦି ନେଇଁ ନିଜେ ଲିଗିଇଁ ରକମ୍ ନାତିଇଁକେ ଶୁ ତେଲା ଏନ୍‌ସା ଆନେଇଁ ଲିବିସତେ କେମା ତିଇଁପା ।

୧୪ ଙ୍ଗିତର୍ ନସା ପେଇଁନେ ତାଗ୍ରା ଝେ ନସା ନେଇଁ ତିଆର୍ ତିଇଁଲ୍ଲେକେ । ନେଇଁ ପେନେବାନ୍ ମୋଃଡିଗ୍ ବିସୟ ନ୍ନାସାଲ୍ୟା ଶୁ । ନେଇଁ ଆପେକେ ଚାଏଁଶିଁକେ । ପେଇଁନେ ଦନ୍ ସମ୍‌ତି ଶୁ । ତାଗ୍ରା ଆବା ଇୟାକ୍‌ନେ ସା ଗଡେଇଁ ଆଆର୍ଜେ ଆର୍‌ଶୁ ଆବା ଇୟାକ୍ ଗଡେଇଁ ନସା ଆର୍ଜେ ବ ଆର୍‌ଏ

୧୫ ଏନ୍‌ସା ନେଇଁ ତାଗ୍ରା ମୋଃମୋଃନେ ଲେଃକେ ନେଇଁ ସାର୍ଦାନେ ଏତେ ଆପେକେ ମ୍‌ଏ । ପେଇଁନେ ସା ନେଇଁ ନିଜେକେ ତିଇଁ ମ୍‌ଏ । ଜଦି ନେଇଁ ଆପେକେ ଜାବର୍ ବଲ୍ ମ୍‌ଏ ତେଲା ପେଇଁ ମୋଃନ୍‌ସା ଆନେଇଁ ଆଲାଦ୍‌ନିଆ ଗଣ୍ଡା ଆଲାଦ୍ ପେତିଇଁଏ ?

୧୬ ନେଇଁ ପେଇଁନେ ଆଡାଡା ଲିଗିଇଁ ରକମ୍ ନାତିଇଁକେ ଶୁ । ଏନ୍ ସାମୁଆଁ ପେଇଁ ସତେଆ ଗୁଅନ୍ ପେତିଇଁଏ । ମାତର୍ ପେଇଁନେ ତାଗ୍ରାବାନ୍ ଜାଣ୍ଡେ ବାସକ୍ ଯାଆର୍‌ଏ ନେଇଁ ଚାଲାକି ବାବ୍‌ରେ ମିର୍ ବାସକ୍‌ତେ ଆପେକେ ଉନ୍‌ବଃନ୍ନିଆ ଡ୍ଲାଗ୍‌ମ୍‌କେ ।

୧୭ ପେଇଁନେ ତାଗ୍ରା ଆଣ୍ଡିନେଶ୍ଟେକେ ବେମ୍‌କେ ମେଁଇଁନେ ବିଡ୍ଡେ ଜାଣ୍ଡେନେ ବାନ୍ ନେଇଁ ମୋଃଡିଗ୍ ପେଇଁନେବାନ୍ ମୋଃଡିଗ୍ ସୁବିଦା ଅଦିକାର୍ ତିଇଁମ୍‌କେ ?

୧୮ ପେଇଁନେ ତାଗ୍ରା ଝେନେ ସା ନେଇଁ ତିତସ୍‌କେ କୁସାମୁତି ଶ୍ଟିଇଁକେ ବାରି ମେଁନେ ଏତେ ବୟାଁଇଁକେ ମ୍‌କେ । ତିତସ୍ ପେଇଁନେବାନ୍ ମୋଃଡିଗ୍ ସୁବିଦା ଅଦିକାର୍ ତିଇଁବକେ ତାଗ୍‌ତେ ଜାଣ୍ଡେ ବାସକ୍ ପେୟାଏ ? ନେ ମେଁନେ ମୁଇଇଁ ମନ୍‌ନିଆ ବାଃଲିରବାଃତା ନେତିଇଁକେ ଶୁ ? ନେ ମେଁନେ ମୁଇଇଁ ଷ୍ଟ ଚିନ୍‌ନିଆ ନେଝେକେ ଶୁ ?

୧୯ ଏଠାକାକ ପେଇଂ ବାବେ ପେଡ଼ିଙ୍ଗକେ ଜେ, ନେ ପେଇଂନେ ଡାଗ୍ରା ଦସ୍ ଆଃଡ଼ିଙ୍ଗନେବକେ । ଇସ୍ପରନେ ସେଫ୍ କ୍ରିଷ୍ଟୁ ଆନେକେ ବାସଙ୍ଗକେ ଡାଗ୍ରାଟେ ନେ ଆପେକେ ନେବାସଙ୍ଗକେ । ନିଜର୍ ବନ୍ଧୁଇଂ, ନେ ମେଫ ମେଫନେ ନେଡ଼ିଙ୍ଗ୍, ଆତେନ୍ ମାଡର୍ ପେଇଂନେ ବଲ୍ ନସା ନେଡ଼ିଙ୍ଗକେ ।

୨୦ ଡାଗ୍ରା ନେଙ୍ଗନେ ରୁଟମେଗ୍ ଡ଼ିଂକେ ନେଙ୍ଗ ପେଇଂନେ ଡାଗ୍ରା ଝେଟେ ଆପେକେ ଡିରକମ୍ କେନ୍ସା ଇକ୍ଟା ଡିଙ୍ଗ୍ଟିଂକେ ଦେଡ଼ରକମ୍ କେନ୍ସା ନାବା ଶୁ ବାରି ପେଇଂ ନେଙ୍ଗନେ ଆଣ୍ଟିନେ ରୁପ୍ କେନ୍ସା ଇକ୍ଟା ପେଡ଼ିଙ୍ଗକେ ଶୁ ଡିଙ୍ଗ୍ପାରେ ଆତେନ୍ କେନ୍ସା ପେବାଏ । ଡିଙ୍ଗ୍ପାରେ ଆଡ଼ଅରିଆ ଝେଟେ ନେଙ୍ଗ ବିନ୍ବିନ୍ ରକମ୍ କଲ୍କଲା, ଇଂସା, ଗିସେଫ, ନିଜେ ନସା କିକେଣ୍ଟେ, ବିନ୍ବିନ୍ନେ ସେବା, ଗରବ୍ ବାରି ନ୍ଲୁଗ୍ନିଆ ବାସଙ୍ଗନେ କେନ୍ସା ପେବାଏ ।

୨୧ ଏକ୍ତେ ପେଇଂନେ ଡାଗ୍ରା ଝେନେବେଲା ଡିଙ୍ଗ୍ପାରେ ଇସ୍ପର ପେଇଂନେ ସେଫ୍ ଆନେଙ୍ଗ୍ ଗିଆସଫ ଆଃଡ଼ିଙ୍ଗ୍ ଜାଣ୍ଟେଇଂ ସେନ୍ରୁ ପାପ୍ ଡିଙ୍ଗ୍ବଆରକେ ମାଡର୍ ମେଂଇଂନେ ପର୍ଚଲ୍ଟୁ ସ୍ମେଆଣ୍ଟେଙ୍ଗ୍ ଅଡାରେଗ୍ ବାରି ଗିଆସଫମାଲା ନସା ଆବାବେଆର୍ ଶୁ ଦେକ୍ରକମ୍ ଗୁଲ୍ଟିଏ ନସା ଆନେଙ୍ଗ୍ ଦୁକ୍ ବାନେ ପଡ଼େଏ ।

୧୩

ସାରାସାରି ଗୁଆରି ବାରି ସାର୍ଲ

୧ ନେଙ୍ଗ ପେଇଂନେ ଡାଗ୍ରା ଞ୍ଜିଡର୍ ପାଙ୍ଗ୍ଶିଙ୍ଗ୍ । “ସାପା ଦାବି ନସା ମାୟା ଶୁଲ୍ଲୁ ଞ୍ଜିରୁଆ ସାକିନେ ସାମ୍ନା ପେନେ ସାପା ଦାବି ଡିଙ୍ଗ୍ଲା ସଡ଼ ଡାଗ୍ରାଟେ ପାର୍ମାନ ଡିଙ୍ଗ୍ଏ ।”

୨ ଅଃସେ ପାପ୍ ଡିଙ୍ଗ୍ବେ ରେମୁଆଁଇଂକେ ବାରି ବିନ୍ ସାପାରେକେ ନେଙ୍ଗ୍ ମ୍ପାର୍ଡର୍ ଆଡ଼ଅରିଆ ଝେଟେ ବାସଙ୍ଗମ୍ବକେ ବାରି ଏବେ ସୁ ଲେଫଟେ ଡିଗ୍ ବାସଙ୍ଗମ୍ବକେ ଜେ ନେଙ୍ଗ୍ ଏଫକେ ଝେଲା ତେଲା ଆମେଇଂକେ ମ୍ନାଆନ୍ତାର୍ ଶୁ ।

୩ କିସର୍ ଜେ ନେଙ୍ଗ୍ ଡାଗ୍ରା ସାମୁଆଁ ବାସଙ୍ଗ୍ ଡିଙ୍ଗ୍ବକେ ଏନ୍ ବିସୟରେ ପେଇଂ ଚାଏଡ଼ିଂକ୍ ସାପା ପର୍ମାନ ବାପେଲେକେ । ପେଇଂନେ ଆଡାଡା ଅସକ୍ତିଆ ଶୁ ମାଡର୍ ପେଇଂନେ ଡାଗ୍ରା ମେଂ ମେନେ ବପୁ ସ୍ମାମୁଆଃ ବିଫବକେ ।

୪ ମେଁ ପେଇଁନେ ଆଡ଼ାଡ଼ା ଅସକ୍ତିଆ ଶୁ ମାତର୍ ପେଇଁନେ ଡାଗ୍ରା ବପୁ ଲେଃକେ । ଡାଗ୍ରା ମେଁ ଅସକ୍ତିଆ ନ୍‌ସା କୁରୁସ୍‌ନ୍ନିଆ ଗୁଏକେ ଏଲେଡିଗ୍ ଇସ୍‌ପରନେ ବପୁ ନ୍‌ସା ମେଁ ଜିବନ୍ ଲେଃକେ । ନେ ଡିଗ୍ ମେଁନେ ଡାଗ୍ରା ଅସକ୍ତିଆ ମାତର୍ ଇସ୍‌ପରନେ ବପୁ ନ୍‌ସା ନେ ପେଇଁନେ ଆଡ଼ାଡ଼ା ମେଁନେ ଏଡେ ଜିବନ୍ ନେଡିଙ୍ଗ୍ ।

୫ ପେଇଁ ବିସ୍‌ବାସ୍‌ନିଆ ପେଲେକେ ଲେଃ ଶୁ ଆଡେନ୍ ବିସ୍‌ୟରେ ନିଜେ ନିଜେକେ ପରିକ୍ୟା ଡିଙ୍ଗ୍‌ପା ନିଜର୍ ନିଜର୍‌ନେ ବିଚାର୍ ଡିଙ୍ଗ୍‌ପା ଶୁଲା ଜିସୁ କିସ୍‌ଟ ଜେ ପେଇଁନେ ଡାଗ୍ରା ଲେଃକେ ଏନ୍ ଲେଃ ପେଇଁ ନିଜର୍ ନିଜର୍ ବିସ୍‌ୟରେ ପେମ୍ୟାକେ ଶୁ ? ଜଦି ଏନ୍ ଆଡିଙ୍ଗ୍ ଶୁ ତେଲା ପେଇଁ ପରିକ୍ୟା ସମାନ୍ ଶୁ ।

୬ ନେଙ୍ଗ୍ ଆସା ଶ୍ରିଙ୍ଗ୍‌ଏ ନେ ଜେ ପରିକ୍ୟା ସମାନ୍ ଏନ୍ ପେଇଁ ପେମ୍ୟାଏ ।

୭ ପେଇଁ ମେଃଡିଗ୍ ଅନ୍ୟାୟ୍ କାମ୍ ଆଡିଙ୍ଗ୍‌ଗ୍‌ପା, ଏନ୍‌ସା ନେନେ ଇସ୍‌ପରନେ ଡାଗ୍ରା ପାର୍‌ତନା ଡିଙ୍ଗ୍‌ନେଡିଙ୍ଗ୍‌କେ । ନେ ଜେ ଆକ୍‌ଅରିଆ ଜିଡେ ନେଲେକେ, ଏନ୍ ନେ ଆସୁଏ ନ୍‌ସା ଝେ ନେଡିଙ୍ଗ୍‌କେ, ମାତର୍ ନେନେ ସରାଃ ଡିଙ୍ଗ୍‌ବେଲା ଡିଗ୍ ପେଇଁ ଡିରକମ୍ ସଡ୍ କାମ୍ ପେଡିଙ୍ଗ୍‌ଏ, ଏନ୍‌ସା ପାର୍‌ତନା ଡିଙ୍ଗ୍‌ନେଡିଙ୍ଗ୍‌କେ ।

୮ ମାତର୍ ନେ ସଡ୍ ବିସ୍‌ୟରେ ମେଃଡିଗ୍ ଡିଙ୍ଗ୍ ନେୟା ଶୁ ଡାଗ୍ରା ସଡ୍ ପାକା କାମ୍ ଡିଙ୍ଗ୍ ନେୟାଏ ।

୯ ନେନେ ଅସକ୍ତିଆ ଲେଃକେଲା ପେଇଁ ବପୁ ପେଲେଃଲା ନେନେ ସାର୍ଦା । ତେସା ପେଇଁ ନିମାଣ୍ଡା ଡିଙ୍ଗ୍‌ପା ଡାଗ୍‌ରେ ନେନେ ପାର୍‌ତନା ଡିଙ୍ଗ୍‌ନେଡିଙ୍ଗ୍‌କେ ।

୧୦ ଆଡେନ୍‌ସା ସ୍ଲୁ ଲେଃରେ ନେଙ୍ଗ୍ ପେଇଁନେ ଡାଗ୍ରା ଏନ୍ ଡଲିଆଃ ଗୁଆର୍‌ମ୍‌କେ ଡିଙ୍ଗ୍‌ପାରେ ପେଇଁନେ ଡାଗ୍ରା ଝେଚାନେ ବେଲା ଡିରକମ୍ ଡାଗ୍ ବାବ୍‌ରେ ଆନେଙ୍ଗ୍ ଅଦିକାର୍ ଡିଙ୍ଗ୍‌ନେ ଆପଡେ ଶୁ । ଡାଗ୍ରା ଆପେକେ ବିଗ୍‌ଡେନେ ଶୁ ମାତର୍ ଗଡେନ୍‌ସା ମାପୁ ଆନେଙ୍ଗ୍ ଅଦିକାର୍ ବିବକେ ।

୧୧ ଅ ବୟା ବାରି ତନାଇଁ ସାର୍ଦା ଡିଙ୍ଗ୍‌ପା ପବିତ୍ର ଡିଙ୍ଗ୍‌ପା ଚେଡ୍‌ନା ଡିଙ୍ଗ୍‌ପା ମୁଇଙ୍ଗ୍ ମନ୍ ଡିଙ୍ଗ୍‌ପା ସାନ୍ତିନ୍ନିଆ ବାସା ଲାଃଲାପା ବାରି ଆଲାଦ୍ ବାରି ସାନ୍ତିନେ ଇସ୍‌ପର୍ ପେଇଁନେ ଏଡେ ଲେଃଏ ।

୧୨ ପବିତ୍ର ବୈଷ୍ଣା ବିଚେ ନିଜର ନିଜର ବିଦ୍ରେ ସାରଲପା ।
 ସାପା ସାଦୁ ଆପେକେ ସାରଲ ଆର୍ଡ଼ିକେ । ପରମେସରନେ ସାପା
 ରେମୁଆଁ ଆପେକେ ସାରଲ ଆର୍ଡ଼ିକେ ।

୧୩ ମାପରୁ ଯୀଶୁ କିସ୍ତନେ ଅନୁଗ୍ରଥ, ଇସ୍ପରନେ ଆଲାଦ୍ ଆରି
 ପବିତ୍ର ଆମ୍ଭାନେ ସାଆଜ୍ୟ ପେ ସାପାରେନେ ଏଃତେ ଲେଃଲେ ।

୧୪ ନେଇଁନେ ମାପୁ ଜିସୁ କିସ୍ତନେ ଲିବିସ ପରମେସରନେ
 ଆଲାଦ୍ ବାରି ପବିତ୍ର ଆମ୍ଭାନେ ଲିବିସ ପେନେ ସାପାରେନେ ସାହା
 ଡିଇଁଲେଃ ।

ସତ୍ ଗାଳି
The New Testament in the Gata' language of India: ସତ୍
ଗାଳି (Bible)

copyright © 2020 The Word for the World International

Language: Didayi (Gata')

Contributor: The Word for the World International

ସତ୍ ଗାଳି
ଯାଶୁ ମାତୁରୁନେ ନି ନିଅମ୍, 2020

The Gata Didayi Testament Language

The Word for the World International

This translation is made available to you under the terms of the Creative Commons Attribution license 4.0.

You may share and redistribute this Bible translation or extracts from it in any format, provided that:

You include the above copyright and source information.

If you make any changes to the text, you must indicate that you did so in a way that makes it clear that the original licensor is not necessarily endorsing your changes.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

Note that in addition to the rules above, revising and adapting God's Word involves a great responsibility to be true to God's Word. See Revelation 22:18-19.

2023-04-09

PDF generated using Haiola and XeLaTeX on 18 Mar 2025 from source files dated 9 Apr 2023

cd536811-9eb4-56d5-9546-afaca24c958c